

## YOHANA

### Baaru nnaa kè Yohana kè

Yaaya Batisikeri kòn Yesu ìba káakunɔ 1:1-1:51

Yesu yádannɛna 2:1-12:50

Yesu kuuna Yerusalemu 13:1-17:26

Yesu gana kòn à fɛɛnao 18:1-20:31

Yesu bɔ à mɔna a ìbanɔzi 21:1-21:35

#### *Yesu Kirisi mɔna anduna guu*

<sup>1</sup> Zaa káaku Yā kuu, Yā pì kú kòn Ludao, Yā pìn Luda ũ.

<sup>2</sup> À kú kòn Ludao zaa káaku.

<sup>3</sup> Luda pó píngi kè à gāzĩɛ, pókee kuu kè à kè à sairo.

<sup>4</sup> À guun wèndi kún, ben wèndi pì de gupuraa ũ gbɛ̀nɔɛ.

<sup>5</sup> Gupuraa pì è pu gusiaan, ben gusiaa pì é e à daàlaro.

<sup>6</sup> Luda gbɛ̀ke zĩ à tón Yaaya.

<sup>7</sup> À mò gupuraa pì sèedadee ũɛ, à gupuraa pì yā ò gbɛ̀nɔɛ, le baade píngi à náane ke à gāzĩ.

<sup>8</sup> Àmbe gupuraa pì ũro, à mò gupuraa pì sèedadee ũɛ.

<sup>9</sup> Gupura yāpuradee kè è guu pu baade píngine bé èe mɔɔ anduna guu.

<sup>10</sup> Yā pì kú anduna guu. Baa kè Luda anduna kè à gāzĩ, anduna e à dõro.

<sup>11</sup> À mò a bɛ, ben à gbɛ̀nɔɔ e à síro.

<sup>12</sup> Gbɛ̀ kè aõ zèo wà à náane kènɔ sɔ, à n̄ gbá zé aõ gò Luda nénɔ ũ.

13 Aã ina pì e bɔ gbēke aru guuro, èe bɔ mēfēena ke gōgbē poyezi kiiaro, Luda bé à ní í.

14 Yā pì kè gbēntee ũ, à gurɔplaa kèwao, ben wa à gakui è, De Luda Né mèn do léle gakuime, à gbēke kōn yāpuraao papana.

15 Yaaya à sèeda kè à pūtā à bè: Gbē kè ma à yā òn yè, ma bè gbē kè èe mɔɔ ma gberaa demala kè à kuu ma ā yānzì.

16 À gbēke papana guu à gbēke kè wa baadene, ben wa aubarika è didikōa.

17 Luda a doka kpàwa Musa gāzī, à gbēke kōn yāpuraao kèwe Yesu Kirisi gāzīme.

18 Gbēke e wéε si Ludale zikiro. Luda Né mèn do léle kè kú a De kuu pì bé à tò wà à dō.

*Yaaya Batisikeri sèedakena Yesu yā musu  
(Mat 3:1-12, Maa 1:1-8, Luk 3:1-18)*

19 Yuda gbāadee kè aɔ kú Yerusalemuno sa'ori kenɔ kōn Levi bori kenɔ zì Yaayaa, ben aɔ à là wà bè: Dén n ũu? Yā kè à ònnen yè.

20 À òné wásawasa, èe yāke uteñero à bè: Mesayan ma ũro.

21 Ben aɔ à là wà bè: Dén n ũ sεε? Iliamen ũó? À wèñla à bè: Auo! Ben aɔ èara wà à là dɔ: Annabi isin n ũó? À wèñla à bè: Auo!

22 Ben aɔ bène dɔ: Dén n ũ sɔɔ? N owe le wà gá wà o gbē kè aɔ wa zīnɔne. Dian née oo nà zīnda yā musuu?

23 Ben à bè lán annabi Isaya ò nà:  
Gbē kè a kòto dɔ gbáann ma ũ,

kè èe bee wà zé poro Diine.

24 Gbē kè wà ní zī pìnɔ sɔ bɔ Farisinɔ kiiame.

25 Ben aǎ à là wà bè: Zaake Mesayan n ũro ke Ilia ke annabi ìsi, b́oyǎnzi ńée gběno batisi keezi?

26 Yaaya wèníla à bè: Mée gběno batisi ke kōn ío, mode gběkee kú a té á à dōro.

27 Àmbe é mó ma gbera, mée ká mà à kyatee b́ob́onero.

28 Yǎ pìnɔ kè Betani kè kú Yoda baame, guu kè Yaaya e gběno batisi keen.

### *Sǎne Bòro kè Ludaa kpà*

29 Kè guu dɔ, Yaaya Yesu è èe moɔ a kiia, ben à bè: Sǎne Bòro kè Ludaa kpà à anduna durun goon yè.

30 Gbē pì yǎn má ò yǎ ma bè, gbē kè èe moɔ ma gberaa demala, kè à kuu ma á yǎnzi.

31 Má à dɔ yáro, mode ma mo, mée gběno batisi kee le Isarailinɔ à dɔ yǎnzime.

32 Yaaya à sèeda kè à bè: Má è Luda Nini bò ludambe lán pótèe bà à mò à zǎa.

33 Mée à dɔ yáro. Kè Luda ma zī gběno batisi ke, à bème gbē kè má è a Ninii mò à pítāa, àmbe eé gběno batisi ke kōn Ninii pìo.

34 Ma beee è, ma sɔo sèeda kè kè àmbe Luda Né ũ.

### *Yesu ìba káakunɔ*

35 Kè guu dɔ, Yaaya èara à kú gwe dɔ kōn a ìba gɔon plaaanɔ.

36 Kè à Yesu è èe gētēe, à bè: Sǎne Bòro kè Ludaa kpàn gwe!

37 Kè ìba gɔon plaaa pìnɔ yǎ pì mà, aǎ bò wà tè Yesuzi.

38 Yesu liè à è aǎo téazi, ben à ní lá à bè: Bón á yezi? Aǎ bène: N bee kú máme Rabi? Tó pì bè Danneri.

39 À wèníla à bè: À mó à gwa. Ben aǎ gàa wà guu kè à kún è, ben aǎ gɔo zī beee. Uusie mò siigɔ taka.

40 Gõn plaaa kè aã Yaaya yã mà aã b̀ wà té Yesuzi pìn, aã gbẽ doo né Simo Pita dãaro Andurume.

41 À g̀a à a v̀i Simo lè g̀a, ben à bène: Wa Mesaya è. Tó pìn wè be do Kirisi.

42 Ben à g̀ao Yesu kiia. Yesu à gwà tíi à bè: Yohana né Simon n ũ. Weé benne Pitame sa. Tó pì bè gbè.

43 Kè guu d̀, Yesu yezi à tá Galili b̀sun, ben à dà Filipile à bène: Ǹ témazi.

44 Filipi pì né Anduru k̀n Pitao be wéte Betesaida gbẽme.

45 Ben Filipi g̀a à Natanaeli lè à bè: Gbẽ kè Musa a yã ò a doka guu, bensõ annabin, a yã ò do, wa à è. Yusufu né Yesume. Nazareti gbẽme.

46 Natanaeli bène: Gbẽ maaa é bo Nazaretió? Filipi bène: Ǹ m̀ ǹ gwa.

47 Kè Yesu Natanaeli è èe mo a kiia, à à yã ò à bè: Isaraili yãpuradeen yè, à ǹse monafiki v̀ro.

48 Ben Natanaeli bène: Ǹ ma dõ máme? Ben Yesu wèala à bè: Ai Filipi gõ gá ǹ sísi, ma n e kãkã lí gbáru.

49 Ben Natanaeli bène: Rabi, Luda Nén n ũ, Isarailin, Kínan n ũ.

50 Yesu bène: Kè má ònne ma n e kãkã lí gbáru bé à tò n ma náane kèó? Né yã bíta e de kèla.

51 À èara à bène do: Yãpuraan mée ooare, é ludambee e wèkšana, Luda malaikan, égõ didii Gbèntee Néa aõgõ pitaaa.

## 2

### *Nsena zaa Kana*

1 À guro aagõdee zĩ wèe noo see zaa Kana, Galili b̀sun. Yesu da kú gwe,

<sup>2</sup> ben wà Yesu kɔ̃n a ìbanɔ̀ sɔ̀si nɔ̀se kiia dɔ̀.

<sup>3</sup> Kè geepiwɛɛ kɛ̀sǎ, Yesu da bène: Aɔ̀ wɛɛ vɛ̀ dɔ̀ro né.

<sup>4</sup> Ben Yesu wèàla à bè: À kè dia n ma le beeeoe? À gurɔ̀ e káme kòro.

<sup>5</sup> Ben à da bè zĩkerinɔ̀ne: Lán eé oare nà, à ke le.

<sup>6</sup> Gbè orozãɔ̀ kú gwe mèn swɛɛdo Yudanɔ̀ gbãsiɔ̀'ikabɔ̀nɔ̀ ũ. À kenɔ̀ è í sí lita basiigɔ̀me, à kenɔ̀ sɔ̀ baswɛɛdo.

<sup>7</sup> Ben Yesu bè zĩkerinɔ̀ne: À í káka orozã kènɔ̀n à pa. Ben aɔ̀ í kàkan à pà yélele.

<sup>8</sup> Ben à bèinne: À tɔ̀ à gáo kɔ̀kɔ̀'orinɔ̀ gbẽnsine sa. Ben aɔ̀ tò wà gaaone.

<sup>9</sup> Kè gbẽnsi pì í liena wɛɛ ũu pì dà, èe dɔ̀ guu kè à bònlo, mɔ̀de zĩkeri kè aɔ̀ í pì tònɔ̀ dɔ̀. Ben gbẽnsi pì nɔ̀zã sɔ̀si

<sup>10</sup> à bène: Wɛ̀ nnaan wè kpámma gĩa. Gurɔ̀ kè í n kũ, ben wè mó kɔ̀n gebuo sa. Mpi sɔ̀, n wɛ̀ nnaa tò zãa.

<sup>11</sup> Yesu dabuyãkena káakupɔ̀n gwe, kè à kè zaa Kana, Galili bùsun. À tɔ̀ bɔ̀, ben à ìbanɔ̀ à náane kè.

<sup>12</sup> Beee gbɛra Yesu gaa Kapɛnamu kɔ̀n a dao kɔ̀n a dāaronɔ̀ kɔ̀n a ìbanɔ̀, mɔ̀de aɔ̀e gurɔ̀plaa ke gwero.

### *Yesu kuuna Luda ua*

*(Mat 21:12-13, Maa 11:15-17, Luk 19:45-46)*

<sup>13</sup> Kè Yudanɔ̀ Banla zĩbaa kà kĩ, ben Yesu gaa Yerusalemu.

<sup>14</sup> À è wèe zùnɔ̀ kɔ̀n sãanɔ̀ kɔ̀n lukulukunɔ̀ yaa Luda ua guu, ɔ̀lɛndekɛrinɔ̀ vɛ̀ena gwe.

<sup>15</sup> Ben à bàflã tà à pèmma aɔ̀ bɔ̀e kɔ̀n sãanɔ̀ kɔ̀n zùnɔ̀ píngi. À ɔ̀lɛndekɛri pìnɔ̀ ɔ̀ fãakɔ̀a, à n teebunɔ̀ yìpa à kwèinne.

16 Ben à bè lukulukuyari pìnɔnɛ: À pɔ pìnɔ sée à bɔɔ píngi. Àton ma De ua ke yàra ũro.

17 Ben yā kè kēna Luda yān kèkii dɔ à ìbanɔn kè à bè: N ua yā ma kū gbāa maamaa.

18 Ben Yuda gbāadeenɔ à là wà bè: Dabuyā kpareen né kewe le wà dɔ kè ní yā beee kēna iko vīi?

19 Yesu wèníla à bè: À Luda kpé kè wí, mé eara mà kpé pì fεε gurɔ aagɔɔ dagura.

20 Ben gbāadee pìnɔ bènɛ: Wè baplaa awεεswεεdon wà kpé pì bɔ, ben mmɔn né fεε gurɔ aagɔɔ guuɔ?

21 Mɔde Luda kpé kè à téa pì, à mè yān èe oo.

22 Kè Yesu fεε bɔna gaan, yā kè à ò pì dɔ à ìbanɔn, ben aɔ yā kè kēna Luda yān si kɔn yā kè Yesu ò pìo.

### *Yesu baade píngi nòsɛ dɔ*

23 Kè Yesu kú Yerusalemu Banla zībaa zī wà à náanɛ kè pari, kè wà dabuyā kè à kènɔ è yānzi.

24 Yesu e ní náanɛ kero, zaake à baade píngi nòsɛ dɔ.

25 Èe ke séto gbēke gbē yā ònɛro, zaake à yā kè kú baade nòsɛ guu dɔ.

## 3

### *Yesu kɔn Nikodemuo*

1 Farisi kee kuu kè wè benɛ Nikodemu. Yuda gbāadeenɔ dokemɛ.

2 À mò Yesu kiia gwāavī à bènɛ: Rabi, wá dɔ kè mbe dannɛri kè bɔ Luda kiia ũ, zaake gbēke é fɔ à dabuyā kè nɛè kɛnɔ kero, sé Ludaa kúo.

3 Ben Yesu bènɛ: Yāpuraan mée oonɛ, tó èe ke wà gbē kèke wà à ì dɔ baasiro, eé fɔ àgɔ kpata kè bɔ Luda kiia dɔro.

<sup>4</sup> Ben Nikodemu Yesu là à bè: Weé gbě kè zi kù i diame? Eé eara à gē a da gbεεεn le wà keke wà à i dɔn yó?

<sup>5</sup> Ben Yesu wèàla à bè: Yāpuraan mée oonne, tó èe ke wà gbě i kōn ío kōn Luda Ninio baasiro, eé f̄s̄ à gē kpata kè b̀ò Luda kiia guuro.

<sup>6</sup> Gbēntee né'ina né m̀è yāme, Luda Nini né'ina né nini yāme.

<sup>7</sup> Nton tó yā kè má ònnεε b̀o n saero, séto wà keke wà a i d̀o.

<sup>8</sup> Īa è káka guu kè à yezin. Neè à kī ma, ń d̄s̄ guu kè à b̀on ke guu kè èe gaanlo. Len èḡo de le kōn gbě kè Luda Nini à ìo.

<sup>9</sup> Ben Nikodemu à là à bè: Yā beee é sí ke s̄s̄?

<sup>10</sup> Yesu wèàla à bè: N Isarailinɔ yādanneri ina ben ń beee d̄s̄roo?

<sup>11</sup> Yāpuraan mée oonne, yā kè wá d̄s̄on wée oo. Yā kè wá è s̀edan wée kpaa, ben ée gii wa yā sízi.

<sup>12</sup> Lán ma anduna yā òare nà, ben a gi sízi, tó ma ludambe yā òare, é síó?

<sup>13</sup> Gbēkee e gá ludambe zikiro, sé Gbēntee Né kè b̀ò gwee baasiro.

<sup>14</sup> Lán Musa ml̄è s̀è à d̀ò musu gbáan nà, len weé Gbēntee Né sé wà d̀o musu le,

<sup>15</sup> le gbě kè èe à náane keε ḡs̄ ẁendi kè è yāaroo v̄i.

<sup>16</sup> Zaake Ludaa ye andunazi à kè bíta, ben à a Né m̀èn do léle kpà, le gbě kè èe à náane keε tón garo, sé àḡs̄ ẁendi kè è yāaroo v̄i.

<sup>17</sup> Ludaa e a Né zī anduna guu le à yā v̄εε andunaa yānzinlo, le anduna misina e à ḡzī yānzime.

<sup>18</sup> Yā é v̄εε à náanekeriaro. Yā ḡiake à v̄εε à náanekerisaia k̀ò, k̀è èe Luda Né m̀èn do léle p̀i náane

kero yānzi.

<sup>19</sup> Pó kè tò yā v̄εε gbēnɔan yè: Gupuraa mò an-duna guu, m̄ode gbēnɔ ye gusiaazi de gupuraa p̄ila, kè āo yākenanɔ zaa yānzi.

<sup>20</sup> Zaake zaakeri p̄ingi è za gupuraamme, è mó gupuraa kiiaro, le à yākenanɔ tón b̄o gupuraaaro yānzi.

<sup>21</sup> Gbē kè è z̄i ke yāpuraaa, àmbe è mó gupura kiia, le wàḡo d̄o kè kuuna Luda guun à yā p̄inɔ kèn.

### *Yaaya Batisikeri s̄edakena Yesu yā musu*

<sup>22</sup> Beee gb̄era Yesu ḡaa Yudea b̄usun k̄on a ìbanɔ. À gurɔplaa k̄ényo gwe, èe gbēnɔ batisi keε.

<sup>23</sup> Yaaya e gbēnɔ batisi keε se zaa Ainɔ, Salimu saε, zaake í di gwe. Wèḡo m̄o à kiia, ben è n̄ batisi ke.

<sup>24</sup> Zaake w̄e Yaaya da kp̄esiaan k̄oro.

<sup>25</sup> Gurɔ beee Yaaya ìba kenɔ nà leokpak̄ak̄enaa k̄on Yuda gb̄aade keo gb̄as̄ib̄ona yā musu.

<sup>26</sup> Ben āo s̄o Yaayazi w̄a bè: Rabi, gbē kè kún̄yo yā Yoda baa k̄aa kpa, kè n à yā òwee bé èe gbēnɔ batisi keε tia, baade p̄ingi e gaa à kiia.

<sup>27</sup> Yaaya bènn̄e: Gbēke è f̄o à p̄oke e à síro, tó èe ke Luda à gb̄a baasiro.

<sup>28</sup> Àmbe ma s̄edadeenɔ ũ kè ma bè m̄ambe M̄esaya ũro. Ma bè Luda ma z̄i mà d̄one aεmε.

<sup>29</sup> N̄oseri bé à n̄o v̄i. N̄oseri gbēnna s̄o èḡo ze à saε è sw̄a kp̄á à yāzi, n̄oseri k̄oto è à p̄oo ke nna. Len s̄o ma p̄onnaa kè b̄ita le.

<sup>30</sup> Séde àpi ḡo kaara mapi s̄o màḡo lagoo.

### *Gbē kè b̄o musu*



31 Gbẽ kè b̀ò musu de baade p̀ingila. Gbẽ kè b̀ò t̀ɔɔte né anduna gbẽme, anduna yã è o. Gbẽ kè b̀ò ludambe s̀ɔɔ de baade p̀ingila,

32 eg̃o p̀o kè à è k̀ɔn yã kè à m̀ào s̀èeda kee, ben gbẽkee e à yã siiro.

33 Gbẽ kè à à yã s̀i z̀èò kè Luda né yãpuradeeme.

34 Gbẽ kè Luda à z̀i p̀i è Luda yã o, zaake Luda a Ninii kp̀aa papaname.

35 De Ludaa ye a Nézi, ben à p̀o p̀ingi ǹane a z̀i.

36 Gbẽ kè èè Né p̀i náane kee ẁendi kè è yãaroo ṽi. Gbẽ kè èè giì à yã mazi é ẁendi p̀i ero, Luda p̀of̃e kp̀é kúame.

## 4

### *Yesu k̀ɔn Samaria ǹogb̃e*

1 Farisiǹɔ̀ mà kè Yesu e gbẽǹɔ̀ batisi kee èè ìbaǹɔ̀ ee de Yaayala.

2 Èe ke Yesu bé è ǹi batisi ke a z̀indaro, à ìbaǹɔ̀ bé ẁè ke.

3 Kè Yesu yã p̀i mà, à f̀ee Yudea à èara èe taa Galili.

4 Kè èè gaa s̀, à k̀ù à b̀ɔe Samaria b̀usun.

5 Ben à kà Samaria ẁete kè ẁè be Sika. À z̀à k̀ɔn t̀ɔɔte kè Yakubu kp̀a a né Yusufuaoro.

6 Yakubu l̀og̃o kú gwe. Yesu t̀aa ò à kp̀asa, ben a v̀ee l̀og̃o p̀i sae. Ɔf̃ant̃e kà m̀idangura.

7 Samaria ǹogb̃e ke mò í t̀o, ben Yesu bène: Ǹ ma gba í mà mi.

8 À ìbaǹɔ̀ s̀ g̀aa p̀obleee lú ẁete guu.

9 Ben ǹogb̃e p̀i bène: Yudan ǹ ũ, Samaria ǹogb̃en ma ũ, ben née ímina ẁee keema? Zaake Yudaǹ k̀ɔn Samariadeeǹɔ̀ yã è k̀o séro.

10 Ben Yesu bène: Tó n̄ gbaa kè Luda è dañne d̄s̄ k̄n̄ gb̄e kè èe í w̄ee keemmaao, le m̄be né w̄ee kea à n̄ gba í w̄èndidee.

11 N̄ogb̄e pì bène: Baa, n̄ googa v̄iro. Lòḡo kè s̄o w̄ee z̄a. Né í w̄èndidee pì e m̄ame?

12 N̄ de wa dezi káaku Yakubula gw̄ee? Àmbe à lòḡo pì tòwe. Àpì à í mì k̄n̄ a n̄éno k̄n̄ a p̄ókádeeno.

13 Ben Yesu bène: Gb̄e kè í kè mì, ímii é eara à à de me d̄o.

14 Gb̄e kè eé í kè mé kpáa mi s̄o, ímii é à de ziki d̄oro. Zaake í kè mé kpáa é ḡo à n̄òse guu íb̄oki í kè eé b̄one w̄èndi kè eé yāaroo ūme.

15 Ben n̄ogb̄e pì bène: Baa, n̄ ma gba í pì, le ímii tón ma de mà m̄o í t̄o kè d̄oro.

16 Yesu bène: N̄ gá n̄ z̄a sísi à m̄o led̄o.

17 N̄ogb̄e pì w̄èala à bè: Má ḡo v̄iro. Ben Yesu bène: Kè n̄ bè, n̄ ḡo v̄iro, n̄ yā ò a z̄eame.

18 N̄ z̄a kè ḡèn s̄oro, ben ḡogb̄e kè n̄ kúo tiaa né n̄ z̄anlo. N̄ yāpuraa ò.

19 Ben n̄ogb̄e pì bène: Baa, má d̄o sa kè annabin n̄ ũ.

20 Wa dezino d̄onzi kè Ludane kp̄iii kè musu, apino s̄o eè be Yerusalemu bé guu kè wà d̄onzi kenne ũ.

21 Yesu bène: N̄ogb̄e, n̄ ma yā sí. Gur̄okee e suu kè é d̄onzi ke De Ludane kp̄iii kè musu ke Yerusalemu d̄oro.

22 Apino, eè d̄onzi ke Ludane, m̄ode á à d̄oro, wapino s̄o, w̄è d̄onzi kenne, bens̄o wá à d̄o, zaake m̄isina è b̄o wa Yudan̄o k̄iame.

23 Gur̄o e suu à kà kò, kè d̄onziri yāpuradeeno é d̄onzi ke De Ludane k̄n̄ yāpuraa k̄n̄ à Ninii

gbãaa. Gbē beee takanɔn De Luda e wετεε aɔ dɔnzi keare.

<sup>24</sup> Luda né niniime, séde gbē kè aɔè dɔnzi keneno dɔnzi kene kɔn yāpuraao kɔn à Ninii gbãaa.

<sup>25</sup> Ben nɔgbē pì bène: Má dɔ kè Mesaya kè wè bene Kirisi é mó. Tó à mò, eé yā píngi bokɔtewe.

<sup>26</sup> Ben Yesu bène: Mamɔma kè mée yā oonne, mámbe à ũ.

<sup>27</sup> Gurɔ beea Yesu ibanɔ sù, aɔ à lè èe yā oo kɔn nɔgbēo. À bò ní sae, mɔde aɔ gbēkee e à la bɔn à yeziro ke býānzi èe yā oo kɔn nɔgbē pìoziro.

<sup>28</sup> Ben nɔgbē pì a loo tò gwe, à gè wéte guu à bè gbēnɔne:

<sup>29</sup> À mó à gɔgbē ke gwa. À yā kè má kèno òme píngi. Ke Mesaya pìme gwεε?

<sup>30</sup> Ben aɔ bɔe wéte guu, aɔɔe gaa Yesu kiia.

<sup>31</sup> Gurɔ beea sɔ Yesu ibanɔ bène: Rabi, né pɔ bleroo?

<sup>32</sup> Ben à bènne: Má pɔble ke vī kè á dɔro.

<sup>33</sup> Ben à ibanɔ kɔ làla wà bè: Gbēke mɔne pɔbleeon yó?

<sup>34</sup> Ben Yesu bènne: Ma pɔbleen gbē kè ma zīi pɔyεkεna ũ ai mà zīi kè à dàmeε mì de.

<sup>35</sup> Apino èe be mɔ siigɔ bé à gɔ kè pɔkεgurɔ é ká. Mée ooare, à wéε sé à buraano gwa, zaake pɔno mà aɔ kà kēna.

<sup>36</sup> Pɔkēri e a asaia ee kò, èe gbēno kaakɔa wèndi kè è yāaro pɔ ũ, le pɔtɔri kɔn pɔkērio pɔnnaa ke lɛdo.

<sup>37</sup> Zaake yā kèkii né yāpuraame: Gbēke bé è pɔ tɔ, gbēke kē.

<sup>38</sup> Ma a zī pɔ kē gura kè ée zīi kεenlo. Gbē pāndeno bé wà zīi kè gwe, ben ée ní zīi àre bleε.

<sup>39</sup> Samaria gbē kè aṣo kú wéte pì guunᵒ Yesu náane kè pari yā kè nᵒgbē pì òñne yānzi, kè à bè à yā kè á kènᵒ òare píngi.

<sup>40</sup> Beee yānzi kè aṣ kà Yesu kiia, aṣ wéε kèa à gṣńyo, ben à kèńyo gurᵒ plaa.

<sup>41</sup> Kè Yesu yā òñne, gbē pāndenᵒ a náane kè pari-pari.

<sup>42</sup> Ben aṣ bè nᵒgbē pìne: Èe ke yā kè í òwe yānzin wa à náane kèzi adoro. Wa à yā mà wa zĩndame, ben wá dṣ sa kè anduna Mìsirin à ũ yāpura.

### *Gbaadee né kèkṣana*

<sup>43</sup> Kè à gurᵒplaa kèńyo, à gberan à tà Galili,

<sup>44</sup> zaake à bè annabi ègṣ bèε vī a zĩnda bùsunlo.

<sup>45</sup> Kè à kà Galili, Galilideenᵒ gbāake kpàzi, zaake aṣ gàa wà Banla zĩbaa kè Yerusalemumε, ben aṣ yā kè à kè zĩbaa pì zĩnᵒ è píngi.

<sup>46</sup> Ben Yesu èara à gàa Kana, gura kè à í lien geepiwéε ũ. Bùsu gbāade kee kú gwe, à négṣgbē e gyāa kεε zaa Kapenamumu.

<sup>47</sup> Kè à mà Yesu bṣ Yudea à sù Galili, ben à gàa à kiia à wéε kèa à gá a né kèkṣa, zaake à kú gaa lézĩ.

<sup>48</sup> Ben Yesu bène: Tó èε ke a dabuyānᵒ kṣn yābᵒnsaenᵒ è baasiro, é ma náane kero.

<sup>49</sup> Ben gbāadee pì bène: Baa, ñ mó le ma né kpé à ga.

<sup>50</sup> Yesu bène: Ñ tá be. N né é garo. Gṣgbē pì yā kè Yesu òne sì, ben à dà zén.

<sup>51</sup> Kè à té zén, à dàkṣre kṣn a zĩrinᵒ, ben aṣ bène à né kuu.

<sup>52</sup> Ben à í lá à bè: Gurᵒ zaka kparee takan à kè sàᵒ? Ben aṣ bène: Gĩa fāantē mò do zakan mèwāaa pì kèa.

<sup>53</sup> Ben de pì dǝ kè gurɔ zaka kè Yesu òare kè a né é garoon gwe. Ben aǝ à náanɛ kè, àpi kǝn a bɛdeenɔ n pǝngi.

<sup>54</sup> Sèeda plaadee kè Yesu kè bɔna Yudea suna Galilin gwe.

## 5

### *Gyāre kēkōana dada'okiia*

<sup>1</sup> Beee gbɛra Yudanɔ zǝbaa ke kà, ben Yesu èara à gàa Yerusalemu.

<sup>2</sup> Dada'okii kú gwe Sǝ Gǝkii saɛ kè wè be Betɛsɛda kǝn Eberu yǝo. Dada'okii pì kámmabokii vǝ lɛo sɔɔro,

<sup>3</sup> gyāreenɔ ègǝ daɛnan paripari, vǝlanɔ kǝn ɛɛnɔ kǝn gbɛ kè aǝ mèguu fǝfɛnanɔ.

<sup>4-5</sup> Gǝgbɛ kee kú gwe èe gyāa keɛ à kà wè baplaa plaasai.

<sup>6</sup> Kè Yesu à è daɛna gwe, à dǝ kè èe gyāa keɛ a gi kè maamaa, ben à bènɛ: Nǝ yezi nǝgǝ aafiaó?

<sup>7</sup> Ben gyāree pì wèàla à bè: Maree, má gbɛke vǝ à ma da í guu gurɔɔ kè à dègero. Tó méɛ gaa gɛn, gbɛ pǝnde è gǝakɛ à gǝ ma āmɛ.

<sup>8</sup> Yesu bènɛ: Nǝ fɛɛ n zɛ, n n pè sé n tǝa o.

<sup>9</sup> Gwe gǝo gǝgbɛ pì aafia è. À a pè sè à tǝa ò. Gurɔɔ pì né kámmabogurɔɔ zǝmɛ,

<sup>10</sup> ben Yuda gbāadeenɔ bè gǝgbɛ kè kèkōa pìnɛ: Kámmabogurɔɔ zǝn gbāa. À zé vǝ nǝgǝ n pè sɛnaro.

<sup>11</sup> À wèníla à bè: Gbɛ kè ma gba aafia bé à òmɛ mà a pè sé mà tǝa o.

<sup>12</sup> Ben aǝ à là wà bè: Dé bé à bènnɛ n n pè sé n tǝa oo?

13 Gbɛ̀ kɛ̀ kɛ̀kɔ̃a pì dɔ́ tó dɛ̀nlo, zaake Yesu gɛ̀tɛ̀ parii kɛ̀ aɔ̃ kú gweenɔ́ tɛ̀mɛ̀.

14 Beee gbɛ̀ra Yesu à è Luda ua guu, ben à bènɛ̀: Ñ ma, n aafia è. Ñton durun ke dɔ́ro, ɛ̀ yã kɛ̀ zaa de beeelaa tón n le dɔ́ro yãnzì.

15 Ben gɔ̃gbɛ̀ pì gàa à ò Yuda gbãadeenɔ́nɛ̀ kɛ̀ Yesu bé à tò a aafia è.

16 Ben gbãadee pìnɔ́ wɛ̀ɛ̀ tà Yesua, kɛ̀ è yã beee takanɔ́ ke kámmabogurɔ́ zĩ yãnzì.

17 Ben Yesu wɛ̀nla à bè: Ma De ègɔ́ zĩ keɛ̀ kámmabosaimɛ̀, ɛ̀n mɛ̀ɛ̀ keɛ̀ ɛ̀ se.

18 Yã beee yãnzì gbãadee pìnɔ́ e Yesu wɛ̀tɛ̀ɛ̀ wà à dɛ̀zi de káakula. Èe ke kɛ̀ è kámmabogurɔ́ zĩ yã daro ado yãnzinlo, kɛ̀ è be Ludan a De ù, èe a zĩnda keɛ̀ sɛ̀nkpe kɔ́n Ludao yãnzimɛ̀.

### *Luda Né iko*

19 Yesu èara à wɛ̀nla à bè: Yãpuraan mɛ̀ɛ̀ ooare, Luda Né è fɔ́ à yãke ke kɔ́n a zĩnda gbãaaoro, sé yã kɛ̀ à è a Dee e keɛ̀ baasiro, zaake yã kɛ̀ à De è ke píngi, àmbɛ̀ à Né pì è ke se.

20 Zaake De Ludaa ye a Nézi, è yã kɛ̀ è ke píngi ɔ́ɔ́anɛ̀. Eé yã kɛ̀ bíta de beeelaa ɔ́ɔ́anɛ̀, eé bɔ́ a saɛ̀.

21 Lán De Luda è gɛ̀nɔ́ vu à wɛ̀ndi kpámma nà, ɛ̀n à Né è wɛ̀ndi kpá gbɛ̀ kɛ̀ à yezinɔ́a ɛ̀.

22 De Luda è yãkpae ke kɔ́n gbɛ̀keoro, à yãkpaekena gbãa píngi kpá a Néa,

23 ɛ̀ baade píngi bèɛ̀ li a Néne, lán aɔ̃è li De Ludanɛ̀ nà. Gbɛ̀ kɛ̀ èe bèɛ̀ li Luda Nénero, adee e bèɛ̀ lii à De kɛ̀ à à zĩnero.

24 Yãpuraan mɛ̀ɛ̀ ooare, gbɛ̀ kɛ̀ èe ma yã maa, bensɔ́ èe gbɛ̀ kɛ̀ ma zĩ náanɛ̀ keɛ̀, adee wɛ̀ndi kɛ̀ è

yáaroo vī. Yá é v̄εεaro, adee bò gaan à gè wèndi guumε.

<sup>25</sup> Yápuraan méε ooare, gurɔkee e suu à kà kò, kè gèno é Luda Né kòto ma, aɔ gb̄ε kè aɔo mànɔ é fεε.

<sup>26</sup> Lán De Luda wèndikpammanna gbāa vī nà, len à wèndikpammanna gbāaa kpà a Néa le dɔ.

<sup>27</sup> À yákpækenna gbāaa kpàa dɔ, kè à de Gbēntee Né ũ yānzī.

<sup>28</sup> Àton tó beee bɔ a saero, zaake gurɔkee e suu kè gè kè aɔo kú mira guunɔ é à kòto ma

<sup>29</sup> wà bɔε n̄ píngi. Maakerinɔ é fεε wà ḡε wèndi guu, zaakerinɔ s̄o yāv̄εemmaana guu.

<sup>30</sup> Mèè f̄o mà yáke ke k̄ɔn ma zīnda gbāaaoro. Mèè yákpae ke lán à òme nàme, mèè yákpae ke a zéa, zaake mèè ma zīnda p̄oyezi wetero, sé gb̄ε kè ma zīi p̄i p̄ó.

### *Yesu iko sèedadeenɔ*

<sup>31</sup> Tó má de ma zīnda sèedadee ũ, le ma yā náane vīro.

<sup>32</sup> Sèedade pāndee kuu kè è ma yā o, má d̄o kè ma yā kè è oo náane vī.

<sup>33</sup> Baa apinɔ, a gbēnɔ z̄i Yaayaa, ben à yápuraa òare.

<sup>34</sup> Mée mè kpá gbēntee sèedadekennaaro, méε beee ooare le à e à bɔ zia yānzimε.

<sup>35</sup> Yaaya de lán fitia kè nana èe guu puu bà, ben a we à p̄onnaa kè à gupuraazi gurɔ plaa.

<sup>36</sup> Yá kè De Ludaa dàme mà keenɔ, kè méε keε p̄inɔɔ deare sèeda ũ, kè De Luda bé à ma zī. Ma sèeda p̄i de Yaaya p̄óla.

<sup>37</sup> Ma De kè ma zīi ma yā ò dɔ. Ée à kòto ma zikiro, ée wée siàlero,

38 à yā e v̄εεkii e a sw̄ε guuro, kè ée gb̄ε kè à à z̄i náanε kero yānzi.

39 Èè Luda yā tàasi κε, zaake eèḡo daa gwen é w̄èndi kè è yāaroo en. Ma yān takada p̄i e oo s̄o,

40 m̄ode ée gii m̄o ma kiiazi le à w̄èndi p̄i e.

41 M̄ée s̄áabu w̄ετεε gb̄ēntee kiiaro,

42 m̄ode má a d̄o, má d̄o kè á ye Ludaziro.

43 Ma m̄o k̄on ma De t̄o, ben ée ma síro. Tó gb̄ē p̄ānde mò k̄on a z̄inda t̄o, é à sí.

44 Lán eè s̄áabu w̄ετεk̄o nà, m̄ode eè s̄áabu w̄ετε Luda m̄èn do lélea lero, é κε dia à ma yā síi?

45 Àtonḡo daa m̄ámbe mé gá k̄on a yāo ma De kiiaro, Musa kè a w̄ée d̄ozi bé eé gá a yāo.

46 Tó a Musa yā sì, le a ma yā sì se, zaake ma yān à kè Luda yān.

47 Kè ée yā kè à kè Luda yānn̄o síro, é κε dia à ma yā síi?

## 6

*P̄óblekpana ḡōgb̄ē ḡōn b̄oɔ s̄oɔroon̄o*

*(Mat 14:13-21, Maa 6:30-44, Luk 9:10-17)*

1 Beee ḡbera Yesu bik̄u Galili s̄èβε kè wè be d̄o Tiberia baa.

2 Gb̄ēn̄o ḡō tézi paripari, kè āo à dabuyān̄o è dian èe gyāreen̄o k̄εεk̄ōana yānzi.

3 Ben Yesu d̄idi à v̄èε s̄is̄ia k̄on a iban̄o.

4 Yudan̄o Banla z̄ibaa k̄a k̄i.

5 Kè Yesu w̄ée s̄è musu, à è gb̄ēn̄o e m̄o a kiiā paripari, ben à Filipi là à bè: M̄ákpān wé p̄óblee lún le gb̄ēn̄o blee?

6 À beee ò le à Filipi ȳo à gwa yānzime, zaake à d̄o lán é κε nà.



7 Ben Filipi wèàla à bè: Kondogi ɔ̀ mèn wàa do burɛdi, baa tó wà lili baadene fétefete, eé móm̃maro.

8 À ìbanɔ doke Anduru, Simɔ Pita dāaro bène:

9 Négb̃gb̃ kee kú kè, à burɛdi aaga ṽi mèn sɔɔro k̃ɔn kpò néngonɔ mèn plaa. Bón beee é ke parii kènɔne?

10 Yesu bè: À gb̃nɔ ṽeṽe. Sè di guu pìn, ben aɔ ṽeṽe. G̃gb̃nɔ kà g̃ɔn bɔɔ sɔɔro taka.

11 Yesu burɛdi pìnɔ sè à aubarika dàn, ben à kpàatete gb̃ kè aɔ ṽeena pìnɔne lán aɔ yezi nà. Len à kpò kpám̃ma le dɔ.

12 Kè aɔ kà ní píngi, à bè a ìbanɔne: À à kpaaa kè g̃ò sée píngi, le à ke tón ke p̃aro.

13 Ben aɔ burɛdi mèn sɔɔroo kè wà sò pì kpaaa kè g̃nɔ sèe gb̃i kuri awɛɛplaaa pà.

14 Kè wà dabuyā kè Yesu kè pì è wà bè: Gb̃ pì né annabi kè èe mɔɔ anduna guume yāpura.

15 Yesu d̃ò kè wà yezi wà mó wà a k̃ū wà a ká k̃i ũ k̃n gb̃āaom̃e, ben à g̃únne gwe à èara à didi s̃i s̃i musu ado.

*Yesu táa'ona sèbela  
(Mat 14:22-33, Maa 6:45-52)*

16 Kè uusie kè, à ìbanɔ g̃àa sèbe baa.

17 Ben aɔ g̃è g̃oro'ite guu, aɔɔe bik̃ū sèbe pì baa k̃ā Kapenam̃u kpa. Guu g̃iake à s̃i Yesu e ká ní kii k̃oro.

18 Zàga'īa gb̃āaa kàka, ben í e f̃eɛe.

19 Kè à ìbanɔ g̃oro lì wà kà kiloo sɔɔro ke swɛɛdo taka, ben aɔ Yesu è èe táa oo íla, èe s̃o ní g̃orozi, ben ṽi ní k̃ū.

20 Ben à bènñe: Mám̃bee! Àton tó ṽi a k̃ūro.

21 Aõ wèzi à gē góro guu, ben góro pì kà guu kè aõɔe gaan gõɔ.

*Gbẽɔ Yesu wetena*

22 Kè guu d̀o parii kpé zena sèbe baa kãa. Aõ dõ kè góro'ite kú gwe yã mèn dome, Yesu sõ èe gē góro pì guu kɔn a ìbanɔro, aõ tà ñtẽeme.

23 Zãazãa góro'ite pãndenɔ b̀o Tiberia, aõ m̀o guu kè k̄i kɔn guu kè wà buredi sòn-o, kè Dii sáabu kpà.

24 Kè parii pì è àpi ke à ìbanɔro kú gwe dɔro, aõ gē góro pìnɔ guu aõ gàa à wete Kapenamú.

*Yesu bé pòblee kè è ñ ká wèndia ù*

25 Kè aõ à è sèbe baa gwe, aõ bène: Rabi, n ka kè bɔreme?

26 Yesu bènnɛ: Yãpuraan mée ooare, èe ma weteε buredi kè á sò a kã yãnzime, èe ke dabuyã kè á ènɔ yãnzinlo.

27 Àton z̄i ke pòblee kè è yãa yãziro, sé pòblee kè è ñ ká wèndi kè è yãarooa. Gbẽntee Né bé eé a gba pòblee pì, zaake àpin De Luda a sèeda kèa.

28 Ben aõ à là wà bè: Dian wé ke nà wà yã kè Ludaa yezi wà keε keε?

29 Yesu wèñla à bè: Yã kè Ludaa yezi à keen yè: À gbẽ kè à à z̄i náane ke.

30 Aõ bène: Dabuyã kpareen né kewe, le wà e wà n náane keε? Yã kpareen né keε?

31 Wa dezino mana blè gbáan lán wà kè Luda yãn nà wà bè: A pòblee kè b̀o musu kpàmma aõ blè.

32 Ben Yesu bènnɛ: Yãpuraan mée ooare, èe ke Musa bé à pòblee kè b̀o musu kpàawaro. Ma De bé è pòble yãpuradee kè b̀o musu kpáawa.

<sup>33</sup> Póblee kè Ludaa kpà pìn gbě kè bò musu è wèndi kpá andunaa ũ.

<sup>34</sup> Aǎ bènɛ: Mare, ñgǎ póble beee taka kpaawa gurɔ pínɡi.

<sup>35</sup> Ben Yesu bènɛ: Mámbe póblee kè è n ká wèndia ũ. Nɔaa é gbě kè mọ ma kiiia dero, ímii é ma náanekeri de zikiro.

<sup>36</sup> Baa kǎn beeeo lán má òare nà, baa kè a ma e, ée ma náanɛ kero.

<sup>37</sup> Gbě kè ma Dee kpàmaa é mọ ma kiiia, mé pé gbě kè mọ ma kiiiaa zikiro.

<sup>38</sup> Èe ke ma zĩnda poyezi yǎnzin ma bɔ musu ma mɔziro, sé gbě kè ma zĩ pọ.

<sup>39</sup> Pọ kè gbě kè ma zĩ pì yezin yè: Màton tó gbě kè à kpàmaanɔ ke sásáro. Á yezin mà n fɛɛ ziaa zĩ.

<sup>40</sup> Zaa ke pọ kè ma Dee yezin yè: Gbě kè wéɛ pè à Néa bensǎ èe à náanɛ keɛ gǎ wèndi kè è yáaroo vĩ, mé à fɛɛ ziaa zĩ.

<sup>41</sup> Ben Yuda gbāadeenɔ zɔka kàzi, kè à bè ambe póblee kè bò musu ũ yǎnzi.

<sup>42</sup> Aǎ bè: Gbě pì né Yesu Yusufu nénloo? Wá à de kǎn à dao dǎ né! Ben èe bee a bɔ musumɛ.

<sup>43</sup> Yesu bènɛ: Àton zɔka káro.

<sup>44</sup> Gběke é fǎ à mọ ma kiiaro, tó èe ke ma De kè ma zĩ à sìsi baasiro, mé à fɛɛ ziaa zĩ.

<sup>45</sup> À kèna annabinɔ takada guu wà bè: Luda bé eé yǎ da baadenɛ. Gbě kè De Luda yǎ mà bensǎ à à yǎ dà, àmbe è mọ ma kiiia.

<sup>46</sup> Èe ke gběke De Luda è kǎn wéɛonlo. Gbě kè bò à kiiia bé à à è ado.

<sup>47</sup> Yápuraan méɛ ooare, ma náanekeri wèndi kè è yáaroo vĩ.

<sup>48</sup> Mámbe póblee kè è n ká wèndia ũ.

49 A dezinɔ mana blè gbáan, baa kɔn beeeo aɔ gàga.

50 Póblee kè è bɔ musu sɔ, tó gbɛ blè, eé garo.

51 Mámbe póble wɛ̀ndidee kè bɔ musu pì ù. Tó gbɛ à kè blè, eégɔ kuu gurɔ píngi. Póblee kè mé kpáánman ma mɛ̀baasi ù, ɛ anduna gɔ wɛ̀ndi vī yānzi.

52 Ben gbãadee pìnɔɔ e ɛokpakɔa kɛɛ kɔo wà bè: Gbɛ pì é fɔ à a mɛ̀baasi kpáwa wà sɔn yó?

53 Ben Yesu bènnɛ: Yāpuraan méɛ ooare, tó ée Gbɛntee Né mɛ̀baasi sɔ a à aru m̀ro, égɔ wɛ̀ndi vīro.

54 Gbɛ kè è ma mɛ̀baasi sɔ à ma aru mii wɛ̀ndi kè è yāaroo vī. Mámbe mé à fɛɛ ziaa zī.

55 Zaake ma mɛ̀baasi né póble yāpuraame, ma aru né ímina yāpuraame.

56 Gbɛ kè è ma mɛ̀baasi sɔ à ma aru mii kú ma guu, má sɔo kú à guu.

57 Lán De Luda Wɛ̀ndide ma zī bensɔ má kuu à yānzi nà, ɛn gbɛ kè è ma mɛ̀baasi sɔ égɔ kuu ma yānzi ɛ.

58 Póblee kè bɔ musun gwe. À de lán póblee kè a dezinɔ blè aɔ gà bàro. Póble beee blèri égɔ kuu gurɔ sãnda píngime.

59 Yesu yā beeenɔ ò gurɔo kè èe yā daánnɛ Kapɛnamu aduakɛkpɛmmɛ.

### *Yesu iba kenɔ bɔrukɛɛkena*

60 Kè à ìbanɔ yā pì mà, aɔ paridee bè: Yā gbãaame, dé bé eé beee fɔo?

61 Yesu dɔ a swɛ guu kè a ìbanɔo e zɔka kaa yā pì musu, ben à bènnɛ: Yā pì e a fuuɔ?

62 Tó á è Gbɛntee Né fɛɛ èe taa guu kè à kún yā sɔ né?

<sup>63</sup> Luda Nini bé è wèndi kpámma, mèbaasi né pòkenlo. Yá kè má òareenon Luda Nini kè è ní ká wèndia yá ũ.

<sup>64</sup> Mòde a gbèkeno e ma náane kero. Zaake Yesu gbè kè aõe a náane keroono dõ zaa káaku kõn gbè kè eé a kpámmao.

<sup>65</sup> Ben à bè do: Beee yānzin má òarezi, gbèke é fõ à mó ma kiiaro, séto De Luda à gbà zé.

<sup>66</sup> Zaa guro beee a ìba kenò bòru kpee paripari, aõe tézi doro.

<sup>67</sup> Ben Yesu a ìba gõon kuri awεεplaaano là à bè: Á yezi à tá sen yó?

<sup>68</sup> Simo Pita wèàla à bè: Dii, dé kiian wé gán? Ní wèndi kè è yāaro yá vī.

<sup>69</sup> Wa n náane kè, wá dõ ke Luda gbè kè à kú adonan n ũ.

<sup>70</sup> Yesu bèñne: A gõon kuri awεεplaaa kènon má sèroo? Baa kõn beeeo a gbè doo né ibilissime.

<sup>71</sup> Yudasi, Simo Isikarioti nén à téa. Àpin gõon kuri awεεplaaa pìno doke kè eé à kpámma ũ.

## 7

### *Yesu kõn a dāarono*

<sup>1</sup> Beee gbera Yesu gàa Galili wéte kõn wéteo, zaake à yezi à lili o Yudearo, kè Yuda gbāadeenoo e à wete wà à de yānzi.

<sup>2</sup> Yudanò Kutadóna zībaa kà kīi,

<sup>3</sup> ben à dāaronò bène: Ní fεε gura kè nì gá Yudea, lε nì ìba kè aõo kú gweeno yā kè néε keeno e se.

<sup>4</sup> Tó gbè yezi à tó bo, è a yāno ke utenaro. Lán néε yā kèno taka kee nà, nì n zīnda odo andunanε.

<sup>5</sup> Baa à dāaro pìno aõe à náane kero.

<sup>6</sup> Ben Yesu bèńne: À gurɔ e káme kòro. Amɔano sɔ á zé vĩ gurɔ sãnda píngi.

<sup>7</sup> Anduna é we à zaaguro, mɔde à zàmagu kè mèè be à yákena zaa yãnzì.

<sup>8</sup> À gá zĩbaakekiia, mée gaaro, zaake à gurɔ e káme kòro.

<sup>9</sup> Kè à yā pì ò, ben à gò Galili.

*Yesu gana Kutadɔna zĩbaakekiia*

<sup>10</sup> Kè à dāaro pìnɔ gāa zĩbaakekiia, gbasaa àton gá. Èe gá gbēnɔ wáaro, à gāa asii guumɛ.

<sup>11</sup> Yuda gbāadeenɔ e à wɛtɛɛ zĩbaakekiia aɔ bè: Àpi kú máa?

<sup>12</sup> Parii guu wèe yābuu tāa maamaa à musu. Gbēkenɔ bè: Gbē maaamɛ. Gbēkenɔ bè: Auo, èe gbēnɔ sāsāamɛ.

<sup>13</sup> Gbēkee e a yā o gupuraaaro, kè wèe vĩa keɛ gbāadee pìnɔne yãnzì.

<sup>14</sup> Kè zĩbaa kà a dagura, Yesu gāa Luda ua guu, èe yā daañne.

<sup>15</sup> À yā bò gbāadee pìnɔ saɛ wà bè: Gbē kè èe kyó keroo bé à takada dɔ lɛó?

<sup>16</sup> Ben Yesu bèńne: Yā kè mèè dañne né ma zĩnda yānlo, gbē kè ma zĩi yāmɛ.

<sup>17</sup> Gbē kè yezi à ze kɔn Luda pɔyezikenao égɔ dɔ tó ma yādannena de Luda pó ũ, kesɔ ma zĩnda yān mée oo.

<sup>18</sup> Gbē kè è a zĩnda yā oo e wɛtɛɛ à tó bɔmɛ. Gbē kè è wɛtɛ à gbē kè a zĩi tó bɔɔ náane vĩ, mɔnafiki kú à guuro.

<sup>19</sup> Musa e doka daareroo? A gbēke yā pì kūna sɔro. Bóyãnzìn ée wɛtɛɛ à ma dezi?

20 Ben gbě̀nɔ̀ bènɛ: N̄ zĩn vĩmɛ. Dé bé èe wɛtɛɛ à n dɛɛ?

21 Yesu bènɛ: Dabuyã mèn don má kè, ben à bò a píngi saɛ.

22 Musa bǎngukɛna yã dàare, ben eè bǎngu kɛ kámmabogurɔɔ zĩ. Ase èe kɛ Musa kiian à nàanlo, à bò a dezi káakunɔ kiiamɛ.

23 Lán wè bǎngu kɛ néne kámmabogurɔɔ zĩ nà lɛ wàton bɔ Musa doka kpɛero yānzi, à kè dia a ɔɔ fɛnamazi, kè ma gbě gbà aafia wásawasa kámmabogurɔɔ zĩi?

24 Àton yã gwa lán a wéɛ e ee nàro. À yã gwa a zéa.

### *Yesun Mɛsaya ũs?*

25 Ben Yerusalemudeenɔ̀ bè: Gbě̀ pì né gbě̀ kè wèe à wɛtɛɛ wà à dɛɛnloo?

26 À gwa, èe yã oo gupuraa, ben gbě̀kee e yã liaro. Gbãadeenɔ̀ à d̄s Mɛsaya ũ yǎpuraan yó?

27 Wá d̄s guu kè gbě̀ kèkii bòn. Tó Mɛsaya m̀, weéḡ d̄s guu kè à bònlo.

28 Beee yānzi gurɔɔ kè Yesu e yã daánɛ Luda ua guu, à pùtã à bè: Á ma d̄s bens̄ á d̄s guu kè ma bòn. Ase m̄ɛ m̄ k̄n ma zĩndaoro. Gbě̀ kè ma zĩ né yǎpuradeemɛ, ben á à d̄sro.

29 Má à d̄s, zaakɛ ma bɔ à kiiamɛ, àmbɛ à ma zĩ.

30 Ben āɔɛ à wɛtɛɛ wà à kũ, m̄de gbě̀kee e ɔ naaro, zaakɛ à gurɔɔ e papa kòro.

31 Zà guu wà Yesu náanɛ kè pari wà bè: Tó Mɛsaya m̀, eé dabuyã kɛ pari dɛ kè gbě̀ kèkii kèlan yó?

### *Dogarino zĩna ās Yesu kũ*

32 Kè Farisinɔ̀ mà wèe yābuu tãa zà guu à yā musu, ben sa'orikinɔ̀ kɔ̀n Farisi pìnɔ̀ dogarinɔ̀ zĩ wà à kũ.

33 Ben Yesu bè: Ma kuunao gɔ̀ féte, gbasa mà tá gbẽ kè ma zĩ kiia.

34 É ma wete à koramazi, zaake é fɔ̀ à gá guu kè má kúnlo.

35 Ben gbāadee pìnɔ̀ e kɔ̀ lalaa: Mán à yezi à gán kè wé korazi? À yezi à gá wa gbẽ kè aɔ̀ fãakɔ̀a Giriki bùsunɔ̀ guu kiia lɛ à yā da Giriki pìnɔ̀nen yó?

36 Yā kè à ò pì mì de diamɛ? Kè à bè wé a wete wà koraaazi bensɔ̀ guu kè á kún wé fɔ̀ wà gá gwero né.

### *Í kè è n ká wèndia*

37 Zĩbaa gurɔ̀ zãa bíta zĩ Yesu fɛ̀e à pùtã à bè: Gbẽ kè ímii e à deɛ à mó ma kiia à í mi,

38 gbẽ kè èe ma náane keɛ sɔ̀, í kè è n ká wèndia égɔ̀ bàa lɛɛ zaa à nòse guu lán wà kè Luda yān nà.

39 À yā kè ò Luda Nini kè gbẽ kè aɔ̀e a náane keɛnɔ̀ é sí yā musume. Aɔ̀ Luda Nini pì vĩ gĩaro, kè Yesu e gĩake à tó bɔ̀ kòro yānzi.

### *Gbẽnɔ̀ kèkèkɔ̀ana Yesu yānzi*

40 Kè gbẽnɔ̀ yā pì mà, gbẽkenɔ̀ bè: Gbẽ kèkii né annabi pìme yāpura.

41 Gbẽkenɔ̀ bè: Gbẽ kèkii né Mɛsayame. Mɔ̀de gbẽkenɔ̀ bè: Mɛsaya é bɔ̀ Galili sɔ̀?

42 Wà kè Luda yān wà bè, Mɛsaya né Dauda boriime, eé bɔ̀ Dauda be wéte Betelemume.

43 Ben gbẽnɔ̀ kèkèkɔ̀a Yesu yānzi.

44 Aɔ̀ gbẽkenɔ̀ yezi wà à kũ, mɔ̀de gbẽkee e ɔ̀ naaro.

### *Yuda gbāadeenɔ̀ è Yesu náane kero*



45 Ben dogarinɔ èara wà tà sa'orikinɔa kɔn Farisinɔ. Ben aɔ n̄ lá wà bè: Bóyānzi ée à kū a suoziroo?

46 Dogari pìnɔ wèhla wà bè: Gbēkee e yā o lán gbē kèkii bà zikiro.

47 Ben Farisinɔ bèhne: À a likɔa sen yó?

48 Gbāadee ke Farisi ke à náane kèn yó?

49 Pari beee Luda yā dōro, Luda lé kèhne.

50 Nikodemu kè gāa Yesu kiia yāa né gbāadee pìnɔ dokeme. À bèhne:

51 Wa doka guu wà bè, wàton yā da gbēla a yā mana sairo ke yā kè à kè dōna sairo.

52 Aɔ bène: Galili gbēn n ũ seó? N̄ tàasi ke n̄ gwa, né e kè annabi ke è bɔ Galiliro.

53 Ben baade tà a be.

## 8

### *Nɔgbē kè wà kù zinakena guu*

1 Yesu gāa Kùkpe s̄s̄ĩḡeezi.

2 Kè guu dò gɔɔ, à èara à gāa Luda ua guu. Baade píngi m̀ à kiia, ben à v̄èe èe yā daahne.

3 Ben ludayādannerinɔ kɔn Farisinɔ m̀ à kiia kɔn nɔgbē kè wà kù zinakena guu, aɔ à zè zà guu

4 aɔ bè Yesune: Danneri, wà nɔgbē kè kù kɔn ḡɔp̄ɔseɛo wéedewe.

5 Wa doka guu Musa diè wà nɔgbē kè taka pápa gbèò wà à dem̄e. N̄ è dia s̄ɔɔ?

6 Aɔ beee ò le aɔ à yɔ wà gwa wà e wà yā daàla yānzime. Ben Yesu n̄aè èe ɔgb̄e k̄e t̄ɔt̄e.

7 Kè aɔ kpé wèe à lalaa, ben à a mì sè lezĩ à bèhne: A gbē kè èe durun ke zikiroo à pá gbèò káaku.

8 Ben à èara à n̄aè èe ɔgb̄e k̄e t̄ɔt̄e dɔ.

9 Kè aṣṣo mà lɛ, ben aṣ fàakṣa doodo sɛna zaa gbɛnsinṣa. Ben aṣ Yesu tò ado kṣn nṣgbɛ pìo.

10 Ben à èara à a mì sè lezĩ à bènɛ: Nṣgbɛ, aṣ tà máme? Wèe yā danla dṣroo?

11 Nṣgbɛ pì wèàla à bè: Baa, aṣ gbɛkee kú kè dṣro. Ben Yesu bènɛ: Mapi se, mé yā danlaro. N̄ gá. Zaa gbàa n̄ton durun kɛ dṣro.

### *Yesun gupuraa ũ andunanɛ*

12 Ben Yesu yā ò gbɛnṣnɛ dṣ à bè: Mámbe gupuraa ũ andunanɛ, gbɛ kè témazii égṣ kú gusiaan dṣro, gupuraa kè è n̄ ká wèndian adee égṣ vĩ.

13 Ben Farisinṣ bènɛ: N̄ dɛ n zĩnda sèedadee ũ, n yā náanɛ vĩro.

14 Ben Yesu wèníla à bè: Baa tó méɛ ma zĩnda yā oo, ma yā náanɛ vĩ, zaakɛ má dṣ guu kè ma bṣn kṣn guu kè méɛ taan-o. Amṣanṣ sṣ, á guu kè ma bṣn kṣn guu kè méɛ taan-o dṣro.

15 Ée ma taari ee gbɛnteekɛɛmmɛ. Méɛ gbɛke taari e sṣro.

16 Tó ma gbɛ taari è sṣ, taari'ena pì égṣ náanɛ vĩ, zaakɛ má kú madoro, ma De kè ma zĩ kúmao.

17 À kú a doka takadan wà bè, sèedade gṣṣn plaaanṣ yā bé à náanɛ vĩ.

18 Mámbe ma zĩnda sèedadee ũ. Ma De kè ma zĩ né ma sèedadeeme dṣ.

19 Ben aṣ à là wà bè: N dee kú máme? Yesu wèníla à bè: Á ma dṣro, bensṣ á ma De dṣro. Tó a ma dṣ, lɛ a ma De dṣ.

20 Yesu yā beee ò ṣṣikiia, gurṣ kè èe yā daanɛ Luda ua guumɛ. Wèe à kũro, zaakɛ à gurṣ e papa kòro.

*É fṣ à gá guu kè méɛ taanlo*

21 Ben Yesu bènnε dɔ: Mée taa, é ma wεε, mɔde é ga a durun guumε. É fɔ à gá guu kè mée taanlo.

22 Ben gbāadee pìnɔ bè: À bè wé fɔ wà gá guu kè ée taanlo. Eé a zĩnda den yó?

23 Ben Yesu bènnε: Tɔɔte kè gbēnɔn a ũ, musu gbēn ma ũ. Anduna kèki gbēnɔn a ũ, anduna kèki gbēn ma ũro.

24 Beee yānzin ma bèare é ga a durun guumε. Tó ée sí kè mámbe gbē kè má de à ũu ũro, é ga a durun guumε.

25 Ben aɔ à là wà bè: Déme n ũu? Yesu wènla à bè: Gbē kè má òare zaa káakun ma ũ.

26 Má yā vĩ pari mà o a musu mà yā daoala. Gbē kè ma zĩ né yāpuradeeme, yā kè má mà à kiian mēè o andunanε.

27 Aɔɔe dɔ kè De Ludan à téaro,

28 ben Yesu bènnε: Tó a Gbēntee Né sè á dò musu, é gbasá à dɔ kè mámbe gbē kè má de à ũu ũ. Mēè yāke ke kɔn ma zĩndaoro, yā kè ma Dee dāmεen mēè o.

29 Gbē kè ma zĩ kúmao, èe ma tó madoro, zaake mēègɔ yā kè è káne keε gurɔ pínɡi.

30 Gurɔ kè Yesu e yā pìnɔ oo, wà à náane kè pari.

### *Wēenεnɔ kɔn zòɔnɔ*

31 Ben Yesu bè Yuda gbāadee kè aɔ à yā sìnɔnε: Tó á ma yā kũna, égɔ de ma ibanɔ ũ yāpura.

32 Égɔ yāpuraa dɔ, yāpuraa pì é tó à gɔ a zĩnda vĩ.

33 Ben aɔ bènε: Ibraĩ boriin wa ũ, wée zò ble gbēkenε zikiro. Ben née bee wé gɔ wa zĩnda vĩ?

34 Yesu wènla à bè: Yāpuraan mée ooare, gbē kè è durun keε né durun zòmε.

35 Zò kuu ua gbē ũ gurɔ pínɡiro, ua nén ua gbē ũ gurɔ pínɡi.

36 Tó Luda Né a bo zòbleen, é g̃s a zĩnda ṽi yāpura.

37 Má d̃s k̃è Ibraĩ boriin a ũ, m̃ode ée ma w̃et̃e à ma de k̃è ma yā kú a ñs̃e guuro yānzi.

38 Yā k̃è má è ma De kiian m̃é̃e oo, yā k̃è á mà a de kiian ée k̃ẽe.

39 Ben ãs b̃è̃ñe: Ibraĩn wa de ũ. Ben Yesu b̃è̃ñe: Tó Ibraĩ ñéñon a ũ, le a Ibraĩ dà s̃è̃e.

40 Tia sa ée ma w̃et̃e à ma de, mam̃oma k̃è ma yāpuraa k̃è má mà Luda kiia òaree. Ibraĩ e yā beee taka k̃ero.

41 Ée a de yākeña k̃ẽm̃e. Ben ãs b̃è̃ñe: Gi-tas̃ot̃ñeñon wa ũro. De m̃èñ doon wá ṽi, àm̃be Luda ũ.

42 Yesu b̃è̃ñe: Tó a den Luda ũ, le á yemazi, zaake Luda kiian ma b̃oñ ma m̃o. M̃é̃e m̃ó k̃õñ ma zĩndaoro, àm̃be à ma zĩ.

43 À k̃è dia ée ma yā d̃ò̃o d̃õroo? K̃è eè f̃õ à ma yā d̃ò̃o d̃õro yānzim̃e.

44 A de Ibilisi p̃óñ a ũ, à p̃oyezin á yezi à ke. Gb̃ēderin à ũ zaa káaku, è ze k̃õñ yāpuraaoro, k̃è yāpuraa kú à ñs̃e guuro yānzi. Tó à eg̃ẽe tò, à zĩnda dàn gwe, zaake eg̃ẽdeen à ũ, eg̃ẽe m̃im̃e.

45 Mapi s̃õ, m̃é̃e yāpuraa o. Beee yānzi eè ma yā síro.

46 A té, dé bé eé be ma durun k̃è? K̃è yāpuraan m̃é̃e oo, à k̃è dia ée ma yā siiroo?

47 Gb̃ē k̃è de Luda p̃ó ũu è yā k̃è Ludaa e oo mame. Á de Luda p̃ó ũro, beee yānzin eè ma yā maziro.

### *Yesu dena Ibraĩla*

48 Ben gb̃āadee p̃iño b̃è̃ñe: Samaria gb̃ēñ ñ ũ! Ñ zĩñ ṽim̃e! Ke yāpuranlo?

49 Ben Yesu b̃è̃: Má zĩñ ṽĩro. M̃é̃e b̃è̃e li ma Deñe, m̃ode eè ma k̃p̃e b̃o.

50 Mèè wεε mà a zĩnda tó boro, gbēke bé è wεεμε, àmbe yāgōgōri ũ.

51 Yāpuraan mée ooare, gbē kè è do ma yāzi é ga zikiro.

52 Ben gbāadee pino bènε: Wá dō sa kè n zĩn vī. Ibraĩ gà kōn annabinō pīngi, ben née bee gbē kè è do n yāzi é ga zikiro?

53 N de wa dezi Ibraĩ kè gālan yó? Annabinō gāga do. Dén née n zĩnda diε à ũu?

54 Ben Yesu bè: Tó mée ma zĩnda tó boro, beee bèε vīro. Ma De kè ée bee à de a Luda ũ, àmbe è ma tó boro.

55 Á à dōro, mōde má à dō. Tó ma bè má à dōro, mégō de εgedee ũ lán a bàμε. Má à dō, ben má à yā kūna.

56 A dezi káaku Ibraĩ ponnaa kè ma gurō ena yā musu. À è, ben à pōo kè nna.

57 Ben gbāadee pino bènε: Née ká wē baplaa akuri kōro, ben n Ibraĩ éó?

58 Yesu bènε: Yāpuraan mée ooare, ε wèe Ibraĩ i kōro, má kuu.

59 Ben aō gbè sèε ε wà à pápao. Ben a a zĩnda ùte à bō Luda ua guu.

## 9

### *Gōgbē kè wà ì vĩa ũ kēkōana*

1 Kè Yesu e lili oo, à gōgbē kè wà ì vĩa ũu è.

2 Ben à ibanō à là wà bè: Rabi, dé durun yānzin wà gbē pì ì vĩa ũzi? À zĩnda pō yānzin yóo, ke à de kōn à dao pómε?

3 Yesu wènla à bè: Èe ke àpi ke à de kōn à dao durun yānzinlo. Le wà Luda yākēna ea yānzimε.

4 Séde wà gbě kè ma zĩ zĩ ke zaa gupura wéezĩ. Gusiaa e suu kè gběke é zĩ ke e à ke d̄oro.

5 Gur̄o kè má kú anduna guu, má de gupuraa ũ andunane.

6 Kè à ò le, à lóu sù t̄ote, ben à yà à màma à wéena.

7 À bène: Ñ gá ñ uu pípi Siloamu í guu. Tó pì bè, í gbarena. Ben à gàa à uu pìpi, ben à sù wéena wéna.

8 À fáandideeno k̄n gbě kè āo à d̄o baakeri ũuno bè: Gbě kè èḡo baa kee véena pìn gweroo?

9 Gběkeno bè: Àpime. Gběkeno bè: Auo, adee b̄k̄baome. Ḡgbě pì bè: Mámbee!

10 Ben āo à là wà bè: À kè dia n wéé wéé?

11 À wèńla à bè: Gbě kè wè bene Yesu bé à bùsu yà à màma ma wéea, à bè mà gá uu pípi Siloamu í guu. Kè ma gaa ma uu pìpi, ben ma guu è.

12 Ben āo à là wà bè: Àpi kú máme? À bè: Má d̄oro.

### *Farisino yalalana gbě kè de ńla ũ yaa*

13 Ben āo gàa Farisino kiia k̄n gbě kè de ńla ũ yaa pìo.

14 Bens̄o kámmabogur̄o zĩn Yesu bùsu yà à à wéé wéene.

15 Ben Farisino à là d̄o: Dian ń kè nà n guu è? À wèńla à bè: À bot̄nga mà ma wéeamé. Kè má pìpi, ben ma guu è.

16 Ben Farisi ken̄o bè: Gbě pì e b̄o Luda kiianlo, zaake è kámmabogur̄o zĩ yā daro. Āo gběkeno bè: Durunkeri é f̄o à dabuyā beeno taka keó? Ben āo kèk̄k̄o.

17 Ben āo à là d̄o: Mm̄n s̄o, gbě kè à n wéé wéenne, n̄é à yā daa diamé? À bè: Annabime.

18 Baa kōn beeeo gbāadeenɔ e sí kè vian à ũ gbasa à wée wèro, ben aɔ gaa wà à de kōn à dao sisi.

19 Aɔ ní lá wà bè: A nén yéó? A à ì vĩa ũn yó? À kè dia èe guu ee saa?

20 Ben à de kōn à dao wèníla wà bè: Wá dɔ kè wa néme. Wa à ì vĩa ũme.

21 Mɔde lán à kè nà èe guu ee sa, ke gbē kè à à wée wène, wá dɔro. À à la gwe. Gbē ɔndɔname, eé fɔ à a zĩnda yā o.

22 À de kōn à dao ò le, kè aɔve vĩa kee gbāadeenɔne yānzime. Zaake aɔ zèo kè gbē kè bè Yesu né Mesayame, wà aduakekpe zé zɔne.

23 Beee yānzin à de kōn à dao bè, gbē ɔndɔname, aɔ à lazi.

24 Gbē kè de vĩa ũ yāa pì sisina gèn plaadee guun aɔ bène: N yāpuraa o Luda yānzi. Wá dɔ kè gɔgbē pì né durunkɛrimɛ.

25 Ben à bè: Tó durunkɛrimɛ, má dɔro. Yā mèn don má dɔ. Vian ma ũ yā, ben mée guu ee sa.

26 Ben aɔ à là wà bè: Bón à kènnɛɛ? Dian à kè nà à n wée wènnɛɛ?

27 À wèníla à bè: Má òare kò, ée swā kpáro. Bóyānzin á yezi à mazi dɔɔ? Á yezi à gɔ à ìbano ũ sen yó?

28 Ben aɔ zɔka dɔa wà bè: Mbe ní de à ìba ũ gwe! Wamɔwa sɔ Musa ìbanoŋ wa ũ.

29 Wá dɔ kè Luda yā ò Musao. Amɔ sɔ, wá dɔ guu kè à bònlo.

30 Ben gɔgbē pì bèinne: À yābonsae ma gwe! À ma wée wème, ben á dɔ guu kè à bònloó?

31 Wá dɔ kè Luda è swā kpá durunkɛrino yāziro, mɔde è swā kpá a yāmari kè aɔè a poyezi keeno yāzi.

32 Zaa lán Luda anduna kàè nà, wèe ma gbêke gbê kè wà à ì vĩa ũu wée wène zikiro.

33 Tó èe ke gbê pì bò Luda kiiaro, eé fɔ à pòke kero.

34 Ben aɔ bène: Wà n i durun guu míómíome, ben née yá daaweó? Ben aɔ pèa.

### *Ludad̄sai né v̄lakūname*

35 Yesu mà kè wà pèa. Kè à à è, à à là à bè: Née Gb̄ntee Né náane keeó?

36 Gõgbê pì wèàla à bè: Mare, dén à ũ le mà e mà à náane kee?

37 Yesu bène: N à è, àmbe e yá oonyo.

38 Ben gõgbê pì bène: Dii, méee n náane kee. Ben à d̄nzi kène.

39 Ben Yesu bè: Gb̄n̄o k̄k̄k̄k̄ana yānzin ma m̄zi anduna guu kè, le wéesiadeen̄o wée k̄, wék̄erin̄o ḡo wéesiadeen̄o ũ.

40 Farisi ken̄o kú gwe. Kè aɔ yá pì mà, aɔ bène: Wapin̄o, v̄ian̄on wa ũ seó?

41 Ben Yesu bène: Tó v̄ian̄on a ũ, le á durun v̄iro. M̄de kè èe bee a wée k̄ena yānzi, a durun kpé kúaome.

## 10

### *Yalek̄zina k̄n sādario*

1 Yápuraan méee ooare, gbê kè è ḡe s̄a karalenlo, m̄de è v̄i karala gu pānden, adee né kp̄aime, kp̄ai wéedeweme.

2 Gbê kè è ḡe karalen s̄o, adeen sādāri ũ.

3 Kara dākpari è zé w̄e adeene, sāano s̄o à kòto d̄s. È a sāano sísi aɔ baade t̄oà à b̄eñyo.

4 Tó à b̄eñyo, è d̄inne ae aɔèḡo tézi kè aɔo à kòto d̄s yānzi.



<sup>5</sup> Aṣè we wà té gbě pāndeziro. Aṣè bàà léne kè aṣṣ gbě pānde kòto dōro yānzi.

<sup>6</sup> Yesu yā pì lèkōzińne, ben aṣṣe dō tó bó yān èe oońnero.

*Yesu né sādāri maaame*

<sup>7</sup> Beee yānzi Yesu èara à bèńne: Yāpuraan mée ooare, mámbe karale ũ sāanone.

<sup>8</sup> Gbě kè aṣ dòmme aenṣ né kpāinṣme, kpāi wéedewenṣme ní píngi, ben sāanṣṣ e ní yā maro.

<sup>9</sup> Mámbe karale ũ. Gbě kè gè ma guu é aafia e. Eégṣ gèe àgṣ bṣṣ eé póblekii e.

<sup>10</sup> Kpāi'ona yānzin kpāi è mózi è pṣ de è pṣ kaate. Ma mṣme, le gbēnṣ gṣ wèndi vī aṣgṣ vī papana.

<sup>11</sup> Mámbe sādāri maaa ũ. Sādāri maaa è gí a wèndizi a sāanṣ yānzi.

<sup>12</sup> Ayazĩkeri né sādāri maaanlo. Kè sāanṣṣ de à pṣ ũro yānzi, tó à è lewan e mṣṣ, è sāanṣ tón à bàà léme, ben lewan è sí sāanṣ té à ní fáakṣa.

<sup>13</sup> Gbě pì bà ègṣ kú kṣn sāanṣoro, kè à de ayazĩkeri ũ yānzi.

<sup>14</sup> Mámbe sādāri maaa ũ. Má a sāanṣ dṣ, ma sāanṣ sṣṣ ma dṣ,

<sup>15</sup> lán De Ludaa ma dṣ bensṣ má à dṣ nà. Mèe gii ma wèndizi aṣ yānzi.

<sup>16</sup> Má sã pāndenṣ vī kè aṣṣ kú kara kè guuro. Sé mà suńyo se. Aṣé ma kòto ma, kpàsa é gṣ mèn do kṣn dàrio mèn do. De Ludaa yemazi

<sup>17</sup> kè mée gii ma wèndizi yānzi, le mà èara mà sí dṣ.

<sup>18</sup> Gběke é ma wèndi símaro, mé gízi kṣn ma zĩndaome. Má à gizina zé vī, má à sina zé vī dṣ. Yã kè ma Dee diemēen gwe.

19 Yā pì yānzi Yuda gbāadeenɔ kèkèkɔ̄a dɔ.

20 Aɔ té gbɛ̄ paridee bè: À zīn vīme, à mì liè. Bóyānzin ée swā kpaa à yāzizi?

21 Aɔ gbɛ̄kenɔ bè: Zīnde yā'onan gwero. Zīn é fɔ̄ à vīa wéé wéɔ̄?

*Yesu a ludakε onnena*

22 Luda kpé kyakena zībaa kà zaa Yerusalemu. Buusie guume,

23 ben Yesu e lili oo Luda ua guu, zaa guu kè wè be Sulemanu gbaadaan.

24 Ben Yuda gbāadeenɔ ligazi, aɔ à là wà bè: Né wa tó logona ai bɔremε? Tó Mesayan n ũ, ñ owe wásawasa.

25 Ben Yesu wèñla à bè: Má òare, ée síro. Yā kè méε kεε kōn ma De tóo pìnɔn à sèeda ũ.

26 Amɔanɔ sɔ̄ ée síro, kè á de ma sāanɔ ũro yānzimε.

27 Ma sāanɔ è ma kòto ma. Má n̄ dɔ̄, ben aɔ̀ègɔ̄ témazi.

28 Mèè wèndi kè è yāaro kpámma, aɔ̀é ga zikiro. Gbɛ̄ke é fɔ̄ à n̄ bɔ̄ ma ɔ̄zīro.

29 Ma De kè à n̄ kpámaa de baade pínvila. Gbɛ̄ke é fɔ̄ à n̄ bɔ̄ à ɔ̄zīro.

30 Mapi kōn ma Deo wá dōnkōmε.

31 Gbāadee pìnɔ gbè sèse dɔ̄ le wà à pápao wà à de.

32 Ben Yesu bèñne: Ma yā maaa kè ma Dee dàmeenɔ kèare pari. Yā maa kparee yānzin á yezi à ma pápa gbèozì?

33 Ben gbāadee pìnɔ wèàla wà bè: Wá yezi wà n̄ pápa gbèò yā maaa kè n̄ kè yānzinlo. Kè n̄ dɔ̄kè kōn Ludaò yānzimε. Gbènteen n̄ ũ, ben n̄ n̄ zīnda diè Luda ũ.

<sup>34</sup> Ben Yesu wèíla à bè: Ludaa ò a doka takadan à bè Ludanɔn n̄ ũ.

<sup>35</sup> Ludaa e gbē kè èe yā oóíne pìnɔ sísi ludaanɔroo? À yā gogona vī sōro.

<sup>36</sup> Mamɔma kè ma De ma diε adona à ma zī anduna guu sō, kè ma bè Luda Né n̄ ma ũ, b́oyānzi a bè ma dɔkè k̄n Ludaozi?

<sup>37</sup> Tó mée ma De kena kεero, àton ma yā síro.

<sup>38</sup> Tó mée kεε sō, baa tó ée ma yā síro, à ma náane ke ma yākenanɔ yānzi, le àḡō d̄ō s̄ans̄an kè De Ludaa kú ma guu, ben má kú à guu sō.

<sup>39</sup> Ben ās̄àra wèe zé wεtεε wà à k̄ū, ben à p̄itíngu.

<sup>40</sup> Ben à èara à ḡaa Yoda baa k̄aa kpa, guu kè Yaaya gbēnɔ batisi kèn káaku. À gurɔplaa kè gwe,

<sup>41</sup> ben wà mò à kiia paripari wà bè: Baa kè Yaaya e dabuyā ke kero, yā kè à ò gbē kèkiimusu p̄íngi né yāpuraame.

<sup>42</sup> Ben wà à náane kè gwe pari.

## 11

### *Lazaru gana*

<sup>1</sup> Gbē kè wè benε Lazaru e gyāa kεε zaa Betani wéte kè Mariama k̄n a v̄i Maatao kún.

<sup>2</sup> Mariaman nɔgbē kè n̄osi gūnnadee kù Dii gbáa à gògo k̄n a m̄ik̄ao ũ.

<sup>3</sup> Ben Lazaru dāre pìnɔ lékpāsā kè Yesune wà bè: Dii, n gbēnnaa e gyāa kεε.

<sup>4</sup> Kè Yesu yā p̄i mà à bè: Gyāa p̄i é mì de gaaoro. Le wà Luda gakui e yānzime, le Luda Né sō tó b̄o à musu.

<sup>5</sup> Yesu ye Maata k̄n à dāaroozi k̄n Lazaruo.

<sup>6</sup> Kè à mà Lazaru e gyāa kεε, ben à ḡō guu kè à kún ḡia gurɔplaa.

7 Beee gberan à bè a ìbanonε: Wà εara wà gá Yudea.

8 Ben à ìbanon bènε: Rabi, gbãadeenoo yezi wà n pápa gbèò èe gí kero, ben ní yezi wà εara wà gá gwe dɔɔ?

9 Yesu bè: Fãantẽ doo né awa kuri awεεplaanloo? Gbẽ kè èe táa oo fãantẽ è gèn síro, kè èe guu ee anduna kèkii gupuraazi yãnzì.

10 Tó èe lili oo gwãavĩ, è gèn síkè à gupuraa pì vĩro yãnzì.

11 Yã pì ona gberan Yesu bènnε: Wa gbenna Lazaru ii òmε. Mé ga mà à vu.

12 Ben à ìbanon bènε: Dii, tó èe ii oomε, eé aafia e.

13 Lazaru ga yãn Yesu e ooñnε, ben aɔɔe daa i'oname yãpura.

14 Ben Yesu ònnε wásawasa sa à bè: Lazaru gàme.

15 Ma pɔɔ kè nna kè má kú gwero, ɛ à e à ma náanε ke yãnzì. Wà gá à kiia.

16 Ben Tomasi kè wè benε Sìka bè a gbẽnonε: Wà gá kɔn Diio wà ga wa píngi.

*Yesun gbẽ ké è gènɔ vu à wèndi kpámma ũ*

17 Kè Yesu kà gwe, à mò à lè wà Lazaru v̄i à gĩakε à kè gurɔ siigɔ kò.

18 Betani kú k̄i kɔn Yerusalemuo lán kiloo aagɔɔ bà.

19 Yuda gbãadeenɔ bò zaa gwe pari aɔ mò Maata kɔn Mariamao kiia, ɛ wà sùu kpánnε aɔ dāgɔ ga yã musu.

20 Kè Maata mà Yesu e mɔɔ, à bò à gàa daàɛ, mɔde Mariama zè bε.

21 Ben Maata bè Yesunε: Dii, tó ní kú kèmε yã, ɛ ma dāgɔɔ e garo.

22 Baa tia má d̄ɔ kè yã kè ní gbèka Ludaa, eé kenne.

23 Yesu bène: N dāgõ é fεε.

24 Maata bène: Má dõ kè eé fεε zĩ kè gèno é fεε ziaa zĩ.

25 Yesu bène: Mámbe gbẽ kè è gèno fεε à wèndi kpámma ũ. Baa tó ma náanekeri gà, eégõ kpeε kuu.

26 Gbẽ kè kuu, ben èe ma náane keε é ga zikiro. N beee sìó?

27 Maata bène: Eè, Dii, má sì kè Mesayan n ũ, Luda Né kè wà bè eé mó anduna guu.

### *Yesu wée'i kàn*

28 Kè Maata ò le, ben à gàa à a dāaro Mariama sisi, ben à òne asii guu à bè: Danneri mò èe n gbekaa.

29 Kè Mariama yā pì mà, à fεε kpakpaa èe gaa à le.

30 Yesu e gĩake à gẽ wéte guu kòro, à kpé kú guu kè Maata dàalen.

31 Gbāadee pìnɔ kú kpén kɔn Mariamao, aɔe sùu kpaane. Kè aɔ è à fεε kpakpaa à bò, aɔ bò wà tēzi, zaake wèe daa èe gaa óo dɔ miraame.

32 Kè Mariama kà guu kè Yesu kún, kè à à è, à kùε à gbá sae à bène: Dii, tó n kú kème yā, le ma dāgõ e garo.

33 Yesu è èe óo dɔ, ben gbāadee kè aɔ kúo pìnɔ e óo dɔ dɔ. Ben à nòseyɔgɔ sì à pɔɔ yàka.

34 Ben à bè: A à v̄ii máme? Aɔ wèàla wà bè: Maree, n mó n̄ gwa.

35 Yesu wée'i kàn.

36 Ben gbāadee pìnɔ bè: À gwa lán à yezi nà.

37 Ben aɔ gbēkenɔ bè: Àmɔ kè v̄ia wéε wè, eé f̄o à gi Lazarunε àton garoo?

### *Lazaru fεena*

38 Kè Yesu e gaa mira pì kiia, ben à nòseyoᵛ sì dᵛ. Mira pì né gbèwεεμε, gbè gbèntē tataàε.

39 Yesu bè: À gbè pì go à léa. Ben gbē kè gà pì dāre Maata bène: Dii, èe gūu sᵛ, zaake à kè guro siigōn yè.

40 Yesu bène: Mée onne kè tó n ma náane kè, né Luda gakui eroo?

41 Kè wà gbè pì gò, ben Yesu wée sè musu à bè: Baa, ma n sáabu kè kè n ma yā mà.

42 Má dᵛ kè neègᵛ ma yā maa guro píngi, mᵛde má ò le parii kè aᵛ kú kēno yānzime, le aᵛ e wà sí kè mbe n ma zī.

43 Kè à ò le, ben à pūtā kōn kòto gbāaaᵛ à bè: Lazaru, ñ bᵛ.

44 Ben gbē kè gà pì bᵛ, póle fīfī à mèa, bisa yina à mìa. Yesu bèné: À pó poroa à à gbarε.

### *Lékpakᵛsᵛna Yesuzi*

*(Mat 26:1-5, Maa 14:1-2, Luk 22:1-2)*

45 Yuda gbāadee kè aᵛ mᵛ Mariama kiia pìno, kè aᵛ yā kè Yesu kè pì è, aᵛ a náane kè pari.

46 Mᵛde aᵛ gbēkenᵛ gàa Farisinᵛ kiia, aᵛ yā kè Yesu kè tᵛkēné.

47 Ben sa'orikinᵛ kōn Farisi pìno gbāadeeno sisi kakᵛanaa wà bè: Gbē pì e dabuyā keε pari, wée keε diame?

48 Tó wá tò èe keε le, baade é à náane ke, Romudeeno é mó wà wa Luda kpé kōn wa boriio kaate píngi.

49 Ben Kayafa aᵛ gbē mèn doo kè de sa'oriki isi ũ wè beea bèné: Á yāke dōro.

50 Á dᵛ kè gbē mèn do gana wa píngi gēε ũu maa de wa bori kaatenalaroo?

<sup>51</sup> Èe yā pì o a zīnda poyezioro. Kè à de sa'oriki ìsi ũ wè beee yānzin à annabikeyā ò kè Yesu é ga Yudanɔ gɛɛ ũ.

<sup>52</sup> Èe ke Yudanɔ ntɛɛnlo, ai kɔn Luda né kè aɔɔ fāakɔananɔ dɔ, le à n ke mē dɔnkɔ ũ.

<sup>53</sup> Zaa zī beeean gbāadee pìnɔ zè kɔn Yesu denao.

<sup>54</sup> Beee yānzi Yesu e bɔ gupuraa n té dɔro. Ben à gàa lakutu kè kú gbáa sae kè wè be flaimu. À gurɔplaa kè gwe kɔn a ìbanɔ.

<sup>55</sup> Yudanɔ Banla zībaa kà kīi. Wà bɔ lakutunɔ guu paripari, wà gàa Yerusalemu gbāsībɔna yānzi ai zībaa pì gɔ ká.

<sup>56</sup> Aɔɔe Yesu weteɛ, aɔɔ zena Luda ua guu, aɔɔe kɔ lalaa wèe bee: Ée daa diamɛ? Eé we à mó zībaa kè keɔ?

<sup>57</sup> Sa'orikinɔ kɔn Farisinɔɔ diɛ kè tó gbēke Yesu kúkii dɔ, à oñne le aɔ e wà à kū.

## 12

### *Nósi gū nna kuna Yesu gbáa (Mat 26:6-13, Maa 14:3-9)*

<sup>1</sup> Banla zībaa gɔ gurɔ swɛɛdo, ben Yesu mɔ Betani, Lazaru kè à à fɛɛ bɔna gaan be wéte.

<sup>2</sup> Wà pɔblee kè Yesune gwe. Maata bé èe pɔblee kpaateteɛ, Lazaru sɔɔ kú pɔblerinɔ té kɔn Yesuo.

<sup>3</sup> Ben Mariama nósi bori maa ɔɔdee sè à m̀ò, à kù Yesu gbáa, ben à à gbá gògo kɔn a mikāo. Nósi gūu dàgula kpé pì guu.

<sup>4</sup> Yesu ìbanɔ doke Yudasi Isikarioti kè eé Yesu kpámma bè:

<sup>5</sup> Nósi kè ɔ kà kondogi wàa do kpé basɔro. Bóyānzi wèe yá wà à ɔ kpà takaasideenɔaziroo?

<sup>6</sup> Èe beee o takaasideenɔ wëndagwana yānzino, kè à de kpāi ũ yānzime. Àmbe ègɔ ɔɔɔ kūna àgɔ ɔɔ kɔkɛɛ.

<sup>7</sup> Ben Yesu bè: Ñ nɔgbɛ daa tó. À beee diɛ ai ma gè kegurɔamɛ.

<sup>8</sup> Takaasideenɔ ègɔ kúao gurɔ píngi, mapi sɔ mégɔ kúao gurɔ píngiro.

### *Lékpakɔsɔna Lazaruzi*

<sup>9</sup> Yuda gbāadeenɔ mà kè Yesu kú Betani, ben aɔ gàa gwe paripari. Èe ke Yesu yānzin aɔ gàazi adoro, lɛ dɔ aɔ Lazaru kè Yesu à fɛɛ bɔna gaan e yānzime.

<sup>10</sup> Ben sa'orikinɔ zèo wà Lazaru de se dɔ,

<sup>11</sup> zaake beee yānzin gbāadeenɔ e kɛɛmɛma pari, aɔɔe Yesu náane keɛzi.

### *Gbāakekpana Yesuzi zaa Yerusalemu*

*(Mat 21:1-11, Maa 11:1-11, Luk 19:28-40)*

<sup>12</sup> Kè guu dɔ, parii kè aɔ mò zĩbaa ke Yerusalemunɔ mà kè Yesu e mɔɔ,

<sup>13</sup> ben aɔ kpakpa lánɔ zɔzɔ aɔ gàa daàlɛo. Aɔɔe wii lɛɛ wèe bee:

Ñ gbāaa ke!

Aubarikadeen gbɛ kè èe mɔɔ Dii tóo ũ!

Aubarikadeen Isarailinɔ Kína ũ!

<sup>14</sup> Yesu zaaki è à dià lán à kɛna Luda yān nà wà bè:

<sup>15</sup> Zayɔndeenɔ, àton vĩa kero.

A kína e mɔɔ à di zaakine bɔrɔ kpɛɛ.

<sup>16</sup> À ibanɔɔ e yā pì mì dɔ gĩaro. Yesu fɛɛ à tana gakui guu gberan aɔɔ dɔ sa kè wà yā pì kè à musumɛ, ben aɔpinɔ bé wà à píngi kènɛ.

<sup>17</sup> Kè Yesu Lazaru sìsi à à fɛɛ bɔna miran, gbɛ kè aɔɔ kúonɔ à baaru kpàkpaínɛ.



18 Beee yānzin parii gàa wà dààlɛzi, zaake aɔɔ mà kè à dabuyā pì kè.

19 Ben Farisinɔ bèkɔne: Á ès? Wé fɔ wà pòke woaro. À gwa lán anduna bò à tézi nà.

20 Girikinɔ kú gbě kè aɔ mò dɔnzi ke zĩbaakekiiianɔ té,

21 ben aɔ gàa Filipi kè bò Betesaida, Galili b̀sun kiia, aɔ wéε kèa wà bè: Maree, wá ye Yesu kɔ'enazi.

22 Filipi gàa à ò Andurunε, ben aɔ gàa wà ò Yesunε lɛdo.

### *Yesu a ga yā'ona*

23 Yesu bènéne: Gbēntee Né tɔbɔgurɔɔ kà.

24 Yāpuraan méε ooare, tó pówεε e gē b̀su guu à f̀mba b̀ro, ègɔ kuu adome. Tó à f̀mba b̀ sɔ, è nè i maamaa.

25 Gbē kè ye a ẁndizi é korazi. Gbē kè g̀ a ẁndizi anduna kèkiin sɔ, adee égɔ k̀na ai guro píngi.

26 Tó gbē yezi à zĩ keεε, àgɔ témazi. Ma zĩkeri égɔ kú guu kè má kún. Tó gbē e zĩ keεε, ma De é a kpe da.

27 Tia sa ma pɔɔ yàka. Bón mé oo? Mé be, Baa, ò ma bɔ yā kè èè mɔɔmaan yó? Auo! Ma mɔ yā kè èè mɔɔmaa pì yānzimε.

28 Baa, ò tó bɔ. Ben kòto b̀ ludambe à bè: Ma tó b̀ kò, bensɔ mé εara mà bɔ dɔ.

29 Kè gbē kè aɔ kú gweenɔɔ mà, aɔ bè: Lou bé à p̀tá. Gbēkenɔ bè: Malaika bé à yā òne.

30 Ben Yesu bènéne: Èe ke ma yānzin kòto pì b̀ziro, a yānzimε.

31 Yā é v̀εε anduna kèkiia sa. Weé anduna kèki k̀na bɔ kpatan sa.

32 Mapi sɔ̃, tó wà ma se wà ma dɔ̃ musu, mé bori sãnda píngi gáe aɔ̃ su ma kiia.

33 Kè Yesu ò ɛ, à gaa kè eé gaa takan à téa.

34 Ben gbẽnɔ̃ bène: Wá mà à kú doka takadan wà bè Mɛsaya égɔ̃ kuu gurɔ̃ píngime, ben n bè weé Gbẽntee Né sé wà dɔ̃ musu sɔ̃ né? Dén Gbẽntee Né pì úu?

35 Yesu wèníla à bè: Gupura kuunaao gɔ̃ féteme. Gurɔ̃ kè gupuraa pì kúao, àgɔ̃ táa oon, ɛ guu tón sia kúawaro yãzi. Gbẽ kè èe táa oo gusiaan dɔ̃ guu kè èe gaanlo.

36 Gurɔ̃ kè á gupuraa pì ví, à gupuraa pì náane ke, ɛ à gɔ̃ gupuradeenɔ̃ ũ.

Kè Yesu ò ɛ, ben à gàa à ùteíne.

*Gbẽnɔ̃ e Yesu náane kero*

37 Baa kɔ̃n dabuyá parii kè à kè ní wáanɔ̃, aɔ̃e à náane kero,

38 ɛ yá kè annabi Isaya ò e à papa yãzi kè à bè: Dii, gbẽkee e baaru kè wá kpà síro.

Wà n gbãaa è wèe dɔ̃ro.

39 Aɔ̃e we wà à náane kèro, zaake Isaya bè dɔ̃:

40 Luda ní wéɛ vɛa kúíne  
ɛ aɔ̃ton guu ero.

À ní kù keíne gbãa

ɛ aɔ̃ton yá ma aɔ̃ aɛ dɔ̃a à ní kèkɔ̃aro.

41 Isaya beee ò kè à Yesu gakui è yãnzime, ben à à yá ò.

42 Baa kɔ̃n beeeo gbãadee pìnɔ̃ Yesu náane kè pari. Farisinɔ̃ yãnzin aɔ̃ègɔ̃ yezi wà dɔ̃rɔ̃maro, ɛ wàton aduakekpe zé zɔ̃rɔ̃nero yãzi.

43 Zaake aɔ̃ yezi gbẽnteenɔ̃ ní sáabu kpá de Luda ní sáabu kpála.

44 Ben Yesu pùtã à bè: Gbẽ kè èe ma náane kεε, èe ke mapin èe náane kεε adoro, èe gbẽ kè ma zĩ náane kεεme se dɔ.

45 Gbẽ kè èe ma ee e gbẽ kè ma zĩ eeme se.

46 Ma mɔ anduna guu gupuraa úme, le gbẽ kè èe ma náane kεε tón gɔ gusiaan dɔro.

47 Gbẽ kè ma yã mà ben à kũnaro, èe ke mámbe mé yã v̄εaro, zaake mée mó yã v̄εe andunaanlo, ma mɔ anduna mì síme.

48 Gbẽ kè gĩmazi ben èe ma yã síro, yãkraekena e à d̄aa. Yã kè má òne pì bé eé v̄εea ziaa zĩ.

49 Zaake mée yãke o k̄ɔn ma zĩndaoro. Yã kè má ò k̄ɔn yã kè má d̄án̄e, ma De kè ma zĩ bé à dieme.

50 Má d̄ɔ kè yã kè à dieme né w̄endi kè è yãaro yãme. Beee yãnz̄i yã kè mée oo, mée oo lán ma Dee d̄ame n̄ame.

## 13

### *Yesu a ibanɔ gbá pipina*

1 Le Banla zĩbaa kpé à ká, Yesu d̄ɔ kè a bɔna anduna kèkii guu tana a De kiia gurɔ kà. Lán à ye a gb̄enɔzi anduna guu nà, à yeñzi ai a w̄endi lémm̄e.

2 Kè āɔe uusie pó blee, Ibilisi ḡake à yã dà Simɔ Isikarioti né Yudas̄i sw̄en kò, le à Yesu kpár̄ma.

3 Yesu d̄ɔ kè a De pó píngi nàare a ɔzĩ. À d̄ɔ kè a bɔ Luda kiiame, bens̄ɔ é eara à tá à kiiame.

4 Gurɔ kè āɔe pó blee, Yesu f̄εe à a uta b̄ò à kàe, ben à tawei s̄e à d̄ò a pii.

5 Beee gbera à í kà taa guu, ben à nà a ibanɔ gbá pipinaa, èe gogoo k̄ɔn tawei kè à d̄ò a piiiao.

6 Kè à kà Simɔ Pita kiia, Pita bène: Dii, míbe né ma gbá pípimeɔ?

7 Yesu wèàla à bè: Ní yā kè mée keε dō gĩaro, mōde né yāa ò dō.

8 Pita bène: Né ma gbá pípiero fá! Yesu bène: Tó mée n gbá pípiro, n bà kúmao dōro.

9 Simo Pita bène: Dii, èe ke ma gbáme adoro, ma o kōn ma miome dō.

10 Yesu bène: Gbē kè zú ò bà kú kōn a mēgu ke pipinaoro, séde à gbá, zaake à zēname. Á gbāsīro, mōde èe ke a pínginlo.

11 À gbē kè eé a kpámma dō. Beee yānzin à bè aōo gbāsīsai ní píngiro.

12 Kè à ní gbá pìpiñne à yāa, à a uta sè à dà, ben à èara a gbèn. À bèñne: Á yā kè má kèaree dōó?

13 Èe ma sísi Danneri kesō Dii. Ée oo a zéame, zaake má de à ūme.

14 Lán mamoma kè má de a dii kōn a dannerio ūu a gbá pìpiare nà, àgae kō gbá pípii le se.

15 Ma à taka kèare. Àgae ke lán má kèare nà.

16 Yápuraan mée ooare, zòbleri ègō de a diilaro, zìri ègō de gbē kè à à zìlaro.

17 Lán a yā beee dō nà, aubarikadeenon a ū tó ée keε le.

18 Èe ke a píngi yān mée ooro. Má gbē kè ma ní sénō dō. Séde yā kè kēna Luda yān kè papa kè wà bè: Gbē kè weè o kakōa ta dōnkō guu bé à bō ma kpeε.

19 Mée ooare tia le à kpé à mō, le tó à mō, é sí kè mámbe à ū.

20 Yápuraan mée ooare, gbē kè ma zìri sì ma sìme. Gbē kè ma sì sō, adee gbē kè ma zìi sìme.

*Yesu gĩake à dō yā kè Yudasi é ke  
(Mat 26:20-25, Maa 14:17-21, Luk 22:21-23)*

21 Kè Yesu ò ɛ, à nòseyɔɔ sɪ, ben à ò́nne wásawasa à bè: Yāpuraan méε ooare, a gbē mèn doo bé eé ma kpámma.

22 Ben à ìbanɔ kō gwàgwa kō wéεzĩ aō bídi kè gbē kè à téa.

23 Ìba doo kè Yesu yezi gεεkesεkεna à saε.

24 Ben Simɔ Pita lézukii kènε à Yesu la tó dén à téa.

25 Ben ìba pì nà Yesuzi à à là à bè: Dii, démεε?

26 Yesu wèàla à bè: Mé lɔma zō dòà mà kpá adeea. Ben à lɔma zō dòà à kpà Simɔ Isikariɔti né Yudasia.

27 Kè Yudasi lɔma pì sɪ, Setān gèn gōɔ. Ben Yesu bènε: Yā kè né ke ò ke kpakpaa.

28 Gbē kè aōe pó bleenɔ kee e dō tó bóyānzi Yesu ònε leziro.

29 Kè Yudasi bé ègō ɔɔɔ kūna, ben gbēkenɔ e daa Yesu bènε à gá zĩbaa pó kè aō yezinɔ lúme ke à gá póke kpá takaasideenɔa.

30 Kè Yudasi lɔma pì sɪ, à bò gōɔ. Gwāavĩme sō.

*Yesu gĩake à dō yā kè Pita é ke*

*(Mat 26:31-35, Maa 14:27-21, Luk 22:31-34)*

31 Kè Yudasi bò, ben Yesu bè: Tia sa Gbēntee Né é tó bɔ, Luda sō é tó bɔ à yā musu.

32 Tó Luda tó bò à musu sō, Luda é à tó bɔ a kiia, bensō eé bɔ gōɔmε.

33 Ma nénɔ, ma kuunaao gō fétemε. É ma wεte, mɔde méε ooare tia lán má ò gbāadeenɔne nà, é fō à gá guu kè méε taanlo.

34 Méε yā dufu diεεare, àgae yekōzi. Lán má yeazi nà, apinɔ sō àgae yekōzi ɛ dɔ.

35 Tó á yekōzi, baade píngi é a dō ma ìbanɔ ũ.

<sup>36</sup> Simo Pita à là à bè: Dii, née taa máme? Yesu wèàla à bè: Guu kè mée taan, né fɔ̀ n̄ tэмazi gĩaro, mɔ̀de né yāa n̄ mó.

<sup>37</sup> Pita bène: Dii, bóyānzi mé fɔ̀ mà ténzi tiaroo? Mé jí ma wèndizi n̄ yānzi.

<sup>38</sup> Yesu bè: Né jí n̄ wèndizi ma yānzi sɔ̀sɔ̀? Yāpuraan mée oonne, ai koo gɔ̀ gá lé zu, né lé sémazi gèn aagɔ̀.

## 14

### *Yesun ludambe zé ũ*

<sup>1</sup> Àton tó a nòse yakaro. À Luda náane ke, à ma náane ke dɔ̀.

<sup>2</sup> Ma De be kpénenɔ̀ kuu pari, tó à de lero, le má òare. Mée gaa guu kekeare.

<sup>3</sup> Lán mée gaa guu kekeare nà, mé eara mà mó mà a sée mà táao ma kiia, le apinɔ̀ se àgɔ̀ kú guu kè má kún.

<sup>4</sup> Á guu kè mée taan zé dɔ̀.

<sup>5</sup> Ben Tomasi bène: Dii, wá dɔ̀ guu kè née taanlo. Wé fɔ̀ wà à zé dɔ̀ diame?

<sup>6</sup> Yesu wèàla à bè: Mámbe zé ũ, mámbe yāpuraa kɔ̀n wèndio ũ. Gbēke è e à gá ma De kiia ma gbákūna sairo.

<sup>7</sup> Tó á ma dɔ̀, le á ma De dɔ̀. Zaa tia a à dɔ̀, bensɔ̀ a à è.

<sup>8</sup> Ben Filipi bène: Dii, n̄ n̄ De ɔ̀ɔ̀awe. Bee é mɔ̀wa.

<sup>9</sup> Yesu bène: Filipi, má kúao zaa gikena, ben ní ma dɔ̀roo? Gbē kè ma ee ma De ème. Bóyānzin née bee mà a De ɔ̀ɔ̀aarezi?

<sup>10</sup> Kè má kú ma De guu, bensɔ̀ ma Dee kú ma guu, née síroo? Yā kè mée ooare mée oo kɔ̀n ma zīndaoro. Ma De kè kú ma guu bé è a yākenanɔ̀ ke.

11 Kè ma bè má kú ma De guu, ma De sɔɔ kú ma guu, à ma yā sí. Tó len sɔro, à sí dabuyákèna pìno yānzi.

12 Yápuraan méε ooare, gbē kè èe ma náane keε é yā kè mèè ke pìno ke. Baa kè à de beeenɔlaa se, kè méε taa ma De kiia yānzi.

13 Pó sānda píngi kè é wée ke kɔn ma tɔon mé ke le ma De tó bo ma musu yānzi.

14 Pó kè é à wée kema kɔn ma tó píngi, mé ke.

### *Yesu légbēna a Nini yā musu*

15 Tó á yemazi, égɔ yā kè má dieno kūna.

16 Mé wée ke ma Dea, eé a gba Zenyode pānde kè eégɔ kúao gurɔ píngi

17 Nini Yápurademε. Anduna gbēno é fɔ wà à síro, zaake aɔɔe a eero, bensɔ aɔɔ à dɔro. Mɔde á à dɔ, zaake à kúao, bensɔ eégɔ kú a guu.

18 Mé a tó adoro, mé εara mà mó a kiia.

19 À gɔ féte kè anduna é ma e dɔro, mɔde é ma e. Kè má kuu yānzi, égɔ kuu se.

20 Zĩ pìan égɔ dɔ kè má kú ma De guu, á kú ma guu, bensɔ má kú a guu.

21 Gbē kè ma yādiɛnanɔ dà bensɔ à kūna, adee bé à yemazi. Ma De égɔ ye gbē kè yemaziizi, mapi sɔ mégɔ yezi mé ma zĩnda ɔɔanε.

22 Ben Yudasi à là, èe ke Yudasi Isikariɔtinlo, à bè: Dii, à kè dia né n zĩnda ɔɔawe, ben anduna sɔ eé n eroo?

23 Ben Yesu wèàla à bè: Tó gbē yemazi, eégɔ ma yā kūna. Ma De égɔ yezi, wé mó à kiia wà vεε lɛdo.

24 Gbē kè yemaziroo ma yā kūnaro. Yā kè ée maa pì e bo ma kiiaro, à bò ma De kè ma zĩ kiiamε.

25 Ma yā pì òare gurɔ kè má kpé kúao.

<sup>26</sup> Ma De é a Ninii zĩ kōn ma tso Zenyodee ũ. Àmbe eé yã píngi dadaare, eé tó yã kè má òaree dɔagu píngi.

<sup>27</sup> Mée a too kōn aafiao, ma zĩnda aafian mée a gbaa. Mée a gbaa lán anduna è ní gba nàro. Àton tó a nòse yakaro, àton tó vĩaa a kũro.

<sup>28</sup> Á mà má òare mée taa mé ɛara mà mo a kiia. Tó á yemazime, ɛ a pɔɔ nna kè mée taa ma De kiia yãnzĩ, zaake ma Dee demala.

<sup>29</sup> Má òare tia ɛ à kpé à ke, ɛ tó à kè, é ma náane ke.

<sup>30</sup> Mé e mà yã oao à gĩ kè dɔro, zaake anduna kèki kína e mo. À gbãa vĩ ma musuro,

<sup>31</sup> mode lán ma Dee dàme nàn mée kee, ɛ anduna e à dɔ kè má yezi. À fɛɛ wà gu gura kè.

## 15

### *Yesun geepi lí yãpuraa ũ*

<sup>1</sup> Mámbe geepi lí yãpuraa ũ, ma Den geepi lí búdee ũ.

<sup>2</sup> È lígã kè péma né'ina sai píngi zõ, bensõ è à né'iri píngi ɔne kee ɛ à né'ina kaara yãnzĩ.

<sup>3</sup> Apinɔ sã á zename yã kè má òare yãnzĩ.

<sup>4</sup> Àgõ kú ma guu lán má kú a guu nà. Lígã è fõ à né kpá a zĩndaoro, séde àgõ kú lídaaa. Lemɛ apinɔ é fõ à né kpáro, séto àgõ kú ma guu baasiro.

<sup>5</sup> Mámbe geepi lídaa ũ, ámbe à gãno ũ. Gbẽ kè kú ma guu, bensõ má kú à guu, ámbe eé né kpá maamaa, zaake é fõ à póke ke ma sairo.

<sup>6</sup> Tó gbẽ kú ma guuro, weé à zĩnna, lán wè lígã zõ wà zĩnna à kori kũ wà séɛ wà ká tén à té kũ nà.



7 Tó á kú ma guu, bensõ ma yã kú a guu, à pó sãnda píngi kè á yezi wée ke, é e.

8 Tó a né kpà maamaa, gbẽno égõ dõ kè ma ìbanon a ù yápura, ma De tó é bo.

9 Má yeazi lán ma Dee yemazi nà. Àgõ kú ma yenzi guu.

10 Tó á yã kè má òieno kùna, égõ kú ma yenzi guu, lán má yã kè ma Dee òieno kùna nà, bensõ má kú a yenzi guu.

11 Ma yã pìno òare, le ponnaa kè má v̄i gõ kú a guu yãnzime, a ponnaa égõ papana.

12 Yã kè má òiareen yè: Àgõ yekõzi lán má yeazi nà.

13 Tó gbẽ gi a wëndizi a gbënnano yãzi, gbẽkee yenzi v̄i de beeelaro.

14 Tó ée yã kè má òiaree kee, ma gbënnanon a ù.

15 Mèè a sísi zòblerino dõro, zaake zòbleri égõ a dii bokõte dõro. Ma a sisi ma gbënnanome, zaake yã kè má mà ma De kiian má òare píngi.

16 Ámbe a ma sero, mámbe ma a se, ben ma a zĩ à gá né ká, nékana kè ée yáaroo, gbasá De Luda a gba pó sãnda píngi kè a wée kèa kõn ma tóo.

17 Yã kè má òiareen yè: Àgõ yekõzi.

### *Anduna zana Yesun kõn a ìbanõ*

18 Tó anduna zàagu, àgõ dõ kè à zàmagu a ã.

19 Tó anduna gbẽnon a ù, le anduna yeazi. Lán ma a se ma a bo anduna guu nà, á de à gbẽno ùro. Bee yãzin anduna zàaguzi.

20 À tó yã kè má òaree gõ dõagu. Zòbleri égõ de a diilaro. Lán aõ wée tãma nà, len aõé tãawa le. Tó aõ ma yã kùname, aõégõ a yã kùna se dõ.

21 Aṣé yā beeenṵ keare píngi ma tó yānzi, zaake aṣ gbē kè ma zīi dṣro.

22 Tó mée mó ma yā ònne yāro, le aṣṵ taari vīro. Mṵde tia la aṣ taari agbaa vīro.

23 Gbē kè zàmaguu zà ma Demme se.

24 Tó mée yā kè wèe ke yāroo ke aṣ téro, le aṣṵ taari vīro. Mṵde tia la aṣ yā kè má kènṵ è, ben aṣ zàmagu kṵn ma Deo wa píngi,

25 le yā kè kú aṣ doka guu papa, kè wà bè aṣ zàmagu pāmē.

26 Tó Zenyodee kè mé à gbarεawaa bṵ ma De kiia à mò, Nini Yāpurade kè è bṵ à kiia pì, eé ma sèeda ke.

27 Apinṵ sṵ é ma sèeda ke, kè á kúmao zaa káaku yānzi.

## 16

1 Ma yā kènṵ òare le àton furo yānzime.

2 Weé aduakεkpe zé zṵare. À gurṵṵ e suu se kè gbē kè eé a de égṵ daa Luda zīin ée ke.

3 Aṣé yā pìnṵ keare, kè aṣṵ ma De kṵn mapio dṣro yānzi.

4 Ma yā kènṵ òare le tó à gurṵṵ kà, égṵ dṣ kè má òare kṵ.

### *Luda Nini zīi*

Mée yā kènṵ oare zaa káakuro, kè má kúao yānzi.

5 Mée taa gbē kè ma zīi kiia sa, mṵde a gbēkee e ma la guu kè mée taanlo.

6 A nṵse yàka sa kè ma yā kènṵ òare yānzi.

7 Yāpuraan mée ooare, ma tana é àre keare, zaake tó mée táro, Zenyodee pì é mó a kiiaro. Tó ma ta, mé à zīawa.

<sup>8</sup> Tó à sù, eé tó anduna a yā zé dō durun kōn maakēnao kōn yāvēemmanao musu.

<sup>9</sup> Aṣé à yā zé dō durun yā musu, kè aṣṣe ma náane kero yānzi.

<sup>10</sup> Aṣé à yā zé dō maakēna yā musu, kè mée taa ma De kiia, é ma e doro.

<sup>11</sup> Aṣé à yā zé dō yāvēemmana musu, kè yā vēe anduna kèki kínaa yānzi.

<sup>12</sup> Má yā vī dō pari mà oare, mōde é yā pìno fō gīaro.

<sup>13</sup> Tó Nini Yāpurade sù, eé dōare aē yāpura píngi guu. Eé yā o a zīnda dōnaoro, yā kè à mán eégae o, eé yā kè èe suuno baaru kpáare.

<sup>14</sup> Eé ma tó bō, zaake eé ma yāno sée à tōkēare.

<sup>15</sup> Pó kè ma Dee vī píngi né ma pómē. Bee yānzin ma bè eé ma yāno sée à tōkēarezi.

### *Pṣia liena pōnnaa ũ*

<sup>16</sup> À gò féte kè é ma e doro, à gò féte kè é ma e dō.

<sup>17</sup> Ben à iba kenō bèkōnē: Bó yān èe oowe gwee? À bè à gò féte kè wé a e doro, à gò féte kè wé a e dō. À bè dō, ée taa a De kiiamē.

<sup>18</sup> Ben aṣ bè: À gò féte kè à ò pì dē diamē? Wée yā kè èe oo pì dōro dōro.

<sup>19</sup> Yesu dō kè aṣ yezi wà a la, ben à bèrīnē: Kè ma bè à gò féte kè é ma e doro, bensō à gò féte kè é ma e dō, been ée kō lalaaazís?

<sup>20</sup> Yāpuraan mée ooare, é sō dō à sósobi kē, mōde anduna é pōnnaa kē. Égō kú pṣiaa guu, mōde a pṣiaa pì é liē pōnnaa ũ.

<sup>21</sup> Tó nōgbē yezi à né i, à pō è yaka kè à wāwākegurō kà yānzi. Tó à né ì sō, wāwāa kè à kè

pì è dɔn dɔro. À pɔɔ è ke nna, kè à né dufu ì anduna guu yānzi.

<sup>22</sup> Len apinɔ sɔ a nɔse yakana le gĩa. Mé eara mà a e dɔ, a pɔɔ é ke nna, gbēke sɔ é fɔ à a pɔnnaa pì síawaro.

<sup>23</sup> Zī pìan é yāke lama dɔro. Yāpuraan mée ooare, ma De é pɔ sānda píngi kè é wée kea kɔn ma tɔo kpáawa.

<sup>24</sup> Ai tia ée pɔke wée ke kɔn ma tɔoro. À wée ke, é e le a pɔnnaa gɔ papana.

### *Yesu zì blè andunaa*

<sup>25</sup> Ma yā pìnɔ lèkɔziaremɛ. À gurɔɔ e suu kè mé yā oare kɔn yālekɔzinao dɔro, mé ma De yā oare wásawasa.

<sup>26</sup> Zī pìan é wée ke kɔn ma tɔo. Mée oare kè mámbe mé wée keare ma Dearo,

<sup>27</sup> zaake ma De a zīndanɛ yeazi kè á yemazi yānzi, bensɔ a ma bɔna à kiia sɔ.

<sup>28</sup> Ma bɔ ma De kiia ma mɔ anduna guu. Tia sa mée anduna too mée taa à kiia.

<sup>29</sup> Ben à ìbanɔ bène: Tò, née yā oo kɔn yālekɔzinao dɔro, née oo wásawasame sa.

<sup>30</sup> Wá dɔ sa kè ní yā píngi dɔ, èe ke séto wà yāke gbekammaro. Bee yānzin wa n bɔna Luda kiia sɔzi.

<sup>31</sup> Ben Yesu bènnɛ: Ée ma náanɛ kee saɔ?

<sup>32</sup> À gurɔɔ e suu à kà kò, kè é fāakɔa, a baade é tá a be à ma tɔo mado. Baa kɔn beeeo má kuu madoro, zaake ma Dee kúmao.

<sup>33</sup> Ma yā kènɔ òare, le a làakari gɔ kpaena kuuna ma guu. É wétámma e anduna guu, mɔde à nɔse kpáe, ma gĩa ke ma zì blè andunaa.

## 17

*Yesu aduakena a ibanone*

<sup>1</sup> Yesu yā pì ona gbera à wée sè musu à bè: Baa, à gurɔ̀ kà. Ñ n Né tó bɔ̀, le n Né n tó bɔ̀.

<sup>2</sup> Ñ tò má iko vī gbē sānda píngi musu, le mà wèndi kè è yāaro kpá gbē kè n kpàmaanɔ̀.

<sup>3</sup> Mmɔ̀n Luda mèn do léle yāpurade kɔ̀n mapi Yesu Kirisi kè n zìo dōnan wèndi kè è yāaroo pì ũ.

<sup>4</sup> Ma n tó bò tɔ̀tɔ̀ta. Zīi kè n dàmɛ mà ke má kè ma yāa.

<sup>5</sup> Baa, n̄ gakui kpáma n kiia tia sa, lán n̄ kpàma nà n kiia zaale anduna kaenaro.

<sup>6</sup> Gbē kè n n̄ sé andunan n̄ n̄ kpàmaanɔ̀ má tò aɔ̀ɔ̀ n dɔ̀. N pónɔ̀mɛ, ben n̄ n̄ kpáma. Aɔ̀ɔ̀ n yā kūna,

<sup>7</sup> aɔ̀ɔ̀ dɔ̀ sa kè yā kè n̄ dàmɛ píngi bò n̄ kiiamɛ.

<sup>8</sup> Ma yā kè n̄ dàmɛɛ dàńne. Aɔ̀ɔ̀ s̄i, ben aɔ̀ɔ̀ dɔ̀ kè ma bɔ̀ n̄ kiiamɛ yāpura. Aɔ̀ɔ̀ s̄i s̄o kè n̄be n̄ ma zī.

<sup>9</sup> Mée wée keɛńne, èe ke andunagbēnɔ̀n mée keɛńnero, séde gbē kè n̄ n̄ kpàmaa pìnɔ̀, zaake n̄ pónɔ̀mɛ.

<sup>10</sup> Ma gbēnɔ̀ né n̄ gbēnɔ̀mɛ n̄ píngi, n̄ pónɔ̀ né ma pónɔ̀mɛ píngi. Mée tó bɔ̀ n̄ gāzī.

<sup>11</sup> Mée suu n̄ kiia, mégɔ̀ kú anduna guu dɔ̀ro, mɔ̀de aɔ̀pínɔ̀ égɔ̀ kú anduna guu. Ma Baa Kuadonade, n̄gɔ̀ n̄ kūna kɔ̀n n̄ tó kè n̄ kpàma gbāaaɔ̀, le aɔ̀gɔ̀ kuu m̄e dōnkɔ̀ lán wa bà.

<sup>12</sup> Gurɔ̀ kè má kúńyo, má n̄ kūna kɔ̀n tó kè n̄ kpàmaa pì gbāaaɔ̀. Ma n̄ dākpa, ben aɔ̀ gbēkee e sāsāro, séde gbē kè m̄i p̄e kaatenaa le n̄ yā e à papa yānz̄i.

<sup>13</sup> Tia sa mée suu n̄ kiia. Ma yā kènɔ̀ ò anduna guu, le aɔ̀gɔ̀ pɔ̀nnaa kè má vīi vī àgɔ̀ papana n̄ guu.

14 Ma n yā dàíne, ben anduna zàngu, kè anduna gbēnɔme ní ũro yānzi, lán mapi má de anduna gbē ũro nà.

15 Mée wée keemma, èe ke le n n bɔ anduna guunlo, mɔde le n n dákpa zaaa yānzime.

16 Anduna gbēnɔme ní ũro, lán mapi má de anduna gbē ũro nà.

17 N tó aɔ kuuna gɔ adona kɔn yāpura gbāaa. N yān yāpuraa pì ũ.

18 Lán n ma zī anduna guu nà, len mapi sɔ ma n zī anduna guu le.

19 Mèè ma zīnda kpaamma aɔ yānzi, le aɔgɔ kuu n gbēnɔ ũ yāpura.

20 Èe ke mée wée keéíne ídonlo, kɔn gbē kè aɔé ma náane ke n yā yānzinɔme dɔ,

21 le aɔ píngi gɔ kuu mè dɔnkɔ ũ. Baa, lán n kú ma guu nà bensɔ má kú n guu, aɔpinɔ sɔ gɔ kú wa guu le, le anduna e à sí kè ríbe n ma zī.

22 Gakui kè n kpàmaan má kpàmma, le aɔgɔ kuu mè dɔnkɔ lán wa bà.

23 Má kú n guu, bensɔ n kú ma guu, le aɔgɔ kuu mè dɔnkɔ ũ mámmam, le anduna gɔ dɔ kè ríbe n ma zī, bensɔ n yeńzi lán n yemazi nà.

24 Baa, gbē kè n kpàmaanɔ, má yezi aɔgɔ kú guu kè má kún, le aɔ wée si ma gakuile, gakui kè n kpàma kè n yemazi zaale anduna kaenaroo.

25 Baa Maa, anduna n dɔro, mɔde má n dɔ, ben gbē kènɔ dɔ kè ríbe n ma zī.

26 Má tò aɔ n dɔ, mégae tó aɔgɔ n dɔ, le yenzi kè n vīmao gɔ kú n guu, le mapi sɔ màgɔ kú n guu.

*Yesu kūna**(Mat 26:47-56, Maa 14:43-50, Luk 22:47-53)*

<sup>1</sup> Yesu yā pì ona gbera à b̀ k̀n a ìbaǹ, ben ã bik̀ Kidironu baa k̃a kpa. Swadako kú gwe, ben à g̀n k̀n a ìbaǹ.

<sup>2</sup> Yudasi b̀nkpedee s̀o guu pì d̀, zaake Yesu k̀n a ìbaǹ èg̀ kaak̃a gwe baab̀.

<sup>3</sup> Ben Yudasi g̃a gwe k̀n soza g̃ali dooo k̀n dogari k̀ sa'orikiǹ k̀n Farisiǹ ñ z̃ǹ. Ão fitiaǹ k̀na k̀n s̀teǹ k̀n g̀keb̀.

<sup>4</sup> Yesu yā k̀ eé a lee d̀ píngi, ben à b̀ à dàńle à ñ lá à bè: Dén ée wete?

<sup>5</sup> Ã wèla wà bè: Yesu Nazaretim̃. À bèńne: Mámbe à ũ. Yudasi b̀nkpedee pì kúñyo.

<sup>6</sup> K̀ Yesu bèńne, mámbe à ũ, ben ã tatakpede k̀, ã b̀ wà l̀.

<sup>7</sup> Yesu ñ lá d̀: Dén ée wete? Ben ã bè: Yesu Nazaretim̃.

<sup>8</sup> Yesu wèńla d̀ à bè: Má òare k̀ mámbe à ũ. Tó mámbe ée ma wete, à tó gb̃ k̀n tá.

<sup>9</sup> À l̀ l̀ yā k̀ à ò yā e à papa yānzim̃, k̀ à bè: Gb̃ k̀ ñ ñ kpámaaǹ, ã gb̃kee e s̃s̃aro.

<sup>10</sup> Sim̀ Pita f̀edaa logona, ben à ẁto à sa'oriki ìsi z̃ri l̀o à à swā ̀plaa g̀. Z̃ri pì t̀n Malaku.

<sup>11</sup> Ben Yesu bè Pitañ: Ñ ñ f̀edaa s̀to a kp̃en. Mé togo'i k̀ ma Dee diem̃ í miroo?

<sup>12</sup> Ben sozaǹ k̀n ñ gb̃ensio k̀n Yuda dogariǹ Yesu k̀ ã à yì.

<sup>13</sup> Ben ã g̃ao Anasa kiia g̃ia. Anasa né Kayafa k̀ de sa'oriki ìsi ũ ẁ beea anzurem̃.

<sup>14</sup> Kayafa bé à lé dà Yuda gb̃adeeǹo yā à bè: À maa gb̃ m̀n doo ga baade píngi g̃e ũm̃.

*Pita lésena Yesuzi**(Mat 26:69-70, Maa 14:66-68, Luk 22:55-57)*

<sup>15</sup> Simo Pita kɔn ɪba pãndeo tɛ Yesu kpɛɛ. Sa'oriki ɪsi ɪba pãnde pì dɔ̄, ben ɪba pì tɛ Yesuzi à gɛ̀ sa'oriki ɪsi pì bɛ ua,

<sup>16</sup> mɔde Pita gɔ̄ zɛ kpɛɛlɛa gãare. Ben ɪba kɛ̀ sa'oriki ɪsi dɔ̄ pì gãa à yã ò nɔgbɛ̀ kɛ̀ èe zɛ̀ pì dákpaane, ben à tò Pita gɛ̀.

<sup>17</sup> Ben nɔgbɛ̀ zédákpari pì Pita là à bè: Gɔgbɛ̀ pì ɪbanɔ dokeme n ũroo? Pita wèala à bè: Mámbeero!

<sup>18</sup> Zirinɔ kɔn dogarinɔ̄ e tɛ̀ kɛ̀ aɔ̄ lè kpákpa a kɛ̀ ɪa kuu yãnzi. Pita kúnyo gwe, èe tɛ̀ kpákpa se.

*Sa'oriki yálalana Yesua**(Mat 26:59-66, Maa 14:55-64, Luk 22:66-71)*

<sup>19</sup> Ben sa'oriki ɪsi e Yesu lalaa à ɪbanɔ yãzi kɔn à yádanneɔ.

<sup>20</sup> Yesu wèala à bè: Ma yã ò baade píngine gupuraaa. Ma yã dàdañne aduakɛ̀kpɛ̀nɔ̄ guu kɔn Luda uao, guu kɛ̀ Yudanɔ̄ è kɔ̄ kakɔ̄an n píngi. Mée yáke o asii guuro.

<sup>21</sup> Bóyãnzi née ma lalaazi? N̄ ma yãmarinɔ̄ la, aɔ̄ yã kɛ̀ má òñne dɔ̄.

<sup>22</sup> Kɛ̀ Yesu yã ò lɛ, dogari kɛ̀ aɔ̄ kú gweenɔ̄ doke à swãn kɛ̀ à bè: Wè yã we sa'oriki ɪsila lero.

<sup>23</sup> Yesu wèala à bè: Tó yã zaaan má ò, n̄ o wà ma. Tó yãpuraan má ò s̄, bóyãnzin n ma lezi?

<sup>24</sup> Ben Anasa Yesu gbàre sa'oriki ɪsi Kayafa kiia yina.

*Pita ɛara à lésena Yesuzi dɔ̄**(Mat 26:71-75, Maa 14:69-72, Luk 22:58-62)*



<sup>25</sup> Pita kpé ze gwe èe té kpákpa. Ben wà à là wà bè: À ìbanɔ doken n ũroo? Pita lé sè à bè: Mámbeero!

<sup>26</sup> Sa'oriki ìsi z̄irinɔ doke né gbɛ̀ kè Pita à à swā gò danɛmɛ, ben à bè: Mée a e lɛdo swadako guuroo?

<sup>27</sup> Ben Pita lé sè dɔ. Zaa gwe ḡɔ koo lé zù.

*Pilati yákpae kɛna k̄n Yesuo*

*(Mat 27:1-2, 11-14, Maa 15:1-5, Luk 23:1-5)*

<sup>28</sup> Gukèk̄sanao ben Yuda gbāadeenɔ b̀ k̄n Yesuo Kayafa bɛ, ā ḡaao b̀usu gbēnsi bɛ. Āɔe ḡɛ à bero, le ātonḡɔ gbāsīro yānzi, zaake āɔ yezi wà Banla z̄ibaa kɛmɛ.

<sup>29</sup> Bee yānzi Pilati b̀ à m̀ ní kiia à bè: Bó yān a be gbɛ̀ kè kè?

<sup>30</sup> Ā wèàla wà bè: Tó zaak̄erinlo, le wée m̀ wà à kpám̄maro.

<sup>31</sup> Ben Pilati bè̄nɛ: À à sé à gá yákpae kɛo a z̄inda dokaa. Ben gbāadee p̄inɔ bè̄nɛ: Wá gbēdena zé v̄iro.

<sup>32</sup> Bee kè le yā kè Yesu ò e à papa yānzime, kè à a ga yā taka ò.

<sup>33</sup> Ben Pilati èara à gè ua. À Yesu sìsi, ben à à là à bè: M̄be Yudanɔ k̄ina ṹ?

<sup>34</sup> Yesu wèàla à bè: Néɛ oo le k̄n n z̄indaon ý, ke wà ma yā ònnɛmɛ?

<sup>35</sup> Pilati bè: Yudan ma ṹ? N boriinɔ k̄n n sa'orikinɔ bé wà n kpama. Bón ní kè?

<sup>36</sup> Yesu bè: Ma kpata né anduna kèki pónlo. Tó ma kpata né anduna kèki pómɛ, le ma ìbanɔ z̄i kà le wàton ma kpá Yuda gbāadeenɔaro. Ma kpata né anduna kèki pónlo.

<sup>37</sup> Ben Pilati bè̄nɛ: Ase k̄iname n ũu? Yesu wèàla à bè: N̄ ò a zéa kè k̄inan ma ũ. Wà ma i, ben ma m̀

anduna guu yāpura sèedadee ũ. Gbē kè de yāpura pò ũu è ma yā ma.

<sup>38</sup> Pilati bè: Bón yāpuraa ũu?

*Yadana Yesula*

*(Mat 27:15-31, Maa 15:6-20, Luk 23:13-25)*

Kè à ò ɛ, à èara à bò à gàa Yuda gbāadeenɔ kiia à bèñne: Mée taari ke e gbē kèaro.

<sup>39</sup> Á fεεakaarayā vī kè mēè pisinanɔ doke gbarɛare Banla zībaa zī. Á yezi mà Yudanɔ kína gbarɛaren yó?

<sup>40</sup> Ben aō wii lè dɔ wà bè: Àmbeero, Barabame! Baraba pì sō né kpāi wéedewεmε.

## 19

<sup>1</sup> Ben Pilati bè, wà Yesu kū wà à gbē flào.

<sup>2</sup> Ben sozanɔ lè fūra tã aō kùne aō gumusu tēaa dāne.

<sup>3</sup> Aōɔe sōɔzi doodo aōɔe bee: Fɔɔ, Yudanɔ kína! Ben aōɔe à swān kekεε.

<sup>4</sup> Pilati èara à bò dɔ, ben à bè gbēnɔne: À gwa, mée bɔɔoare bàazi kè, ɛ à e à dō kè mée yāke earo.

<sup>5</sup> Yesu bò bàazi, à lè fūra pì kuna à gumusu wéedee pì dana. Ben Pilati bèñne: Gōgbē pìn yè!

<sup>6</sup> Kè sa'orikinɔ kōn dogarinɔ à è, aō wii lè wà bè: Ñ à pá lía! Ñ à pá lía! Ben Pilati bèñne: À à kū à pá lía a zīnda, zaakε mée taari ke earo.

<sup>7</sup> Yuda gbāadee pìnɔ wèàla wà bè: Wá doka vī, bensō doka pì bè séde à ga, kè à a zīnda diε Luda Né ũ yānzi.

<sup>8</sup> Kè Pilati yā pì mà, ben vīa kèkε à à kù.

<sup>9</sup> À èara à gè kōn Yesuo ua dɔ, ben à là à bè: N bɔ máme? Yesu e weàlaro,

10 ben Pilati bèñe: Né yã o maaroo? Ní dõ kè má n gbarena iko vĩ, bensõ má n pana lía iko vĩroo?

11 Yesu wèàla à bè: Ní iko ke vĩ ma musuro, sé kè Ludaa kpàmmaa. Bee yãnze gbẽ kè ma kpammaa durun bé à bíta.

12 Zaa gurɔ beee Pilati e zé wετεε à à gbarε, mɔde Yuda gbãadeenɔ wii lè wà bè: Tó n gbẽ pì gbàre, Siza gbẽnnamε n ũro. Gbẽ kè à a zĩnda diε kína ũ íβετε kpà kɔn Sizaomε.

13 Kè Pilati yã beee mà, à bè wà bɔ kɔn Yesuo bàazi. Ben à vèε a tintia guu kè wè be gbè gusararaan, kɔn Eberu yão sɔ, Gabata.

14 Banla zĩbaa sorukεgurɔ zĩmε, ɔfãntě kà mĩdangura. Ben Pilati bè Yuda gbãadee pìnɔne: A kinan yè.

15 Ben aɔɔe wii lεε wèe bee: N à dε. N à dε. N à pá lía. Pilati bèñe: Mé a kína pá líaó? Sa'orikinɔ bè: Siza baasiro, wá kína ke vĩro.

16 Ben Pilati Yesu kpámma aɔ à pá lía.

### *Yesu pana lía*

*(Mat 27:32-44, Maa 15:21-32, Luk 23:26-43)*

Ben aɔ à sè wà tàò.

17 Yesu bò wéte guu à a zĩnda líkpangbãroo sena, à gàa guu kè wè be Mìwatorokiia, kɔn Eberu yão sɔ Gɔgɔta.

18 Gwen wà à pá lía kɔn gɔɔn plaa pãndenɔ, gbẽ doo à ɔplaazi gbẽ doo à ɔzεεzi, ben Yesu kú n dagura.

19 Pilati takada kè à nà Yesu líkpangbãroo pía. Yã kè à kè pìn yè:

Yesu Nazareti, Yudanɔ kína.

<sup>20</sup> Yudanɔ takada kè à kè pì kyó kè pari, zaake guu kè wà Yesu pà lían pì zà kɔn wéteoro. Wà lá pì kè kɔn Eberu yáo kɔn Romudeenɔ yáo kɔn Giriki yáome.

<sup>21</sup> Ben Yuda sa'orikinɔ bè Pilatinε: Nton kē n be Yudanɔ kinaro, mɔde n kē kè àmbe à bè Yudanɔ kinan a ũ.

<sup>22</sup> Pilati bè: Yā kè má kēn má kē.

<sup>23</sup> Kè sozanɔ Yesu pà lía wà yāa, ben aɔ à pókāsāanɔ sèe wà kpàatete leo siigɔ baade mìa. Aɔ à utagyaba kè wà tã nabina sai zaa musu ai gĩzĩ sè dɔ,

<sup>24</sup> ben aɔ bèkɔne: Wàton uta pì kēkēkōrero. Wà kàbankpe ke le wàgɔ dɔ gbē kè eé gɔne. Aɔ kè le, le yā kè wà kè Luda yān e à papame, kè wà bè:

Aɔ ma pókāsāanɔ kpàatetekɔne,

aɔ kàbankpe kè ma uta yānzi.

Bee yānzin sozanɔ kè lezi.

<sup>25</sup> Yesu da kɔn à da dāaroo kɔn Kolopa naɔ Maria-mao kɔn Mariama Magadalenio kú lí kè wà Yesu pàa sae.

<sup>26</sup> Kè Yesu a da kɔn a ìba kè à yezio è zena kɔ sae, à bè a dane: Nɔgbē, n nén yè!

<sup>27</sup> Ben à bè ìba pinε: N dan yè! Zaa zĩ beeean ìba pì à sè à tào a be.

*Yesu gana*

*(Mat 27:45-56, Maa 15:33-41, Luk 23:44-49)*

<sup>28</sup> Beee gbera Yesu dɔ kè à píngi pàpa. Le yā kè kēna Luda yān e à papa ben à bè: Ímii e ma deε.

<sup>29</sup> Loo kú gwe, geepiwē kpàkpā kán pana. Ben wà sabo kpàe wēε pì guu wà pè sèlia wà dɔ Yesunε a léa.

<sup>30</sup> Kè à wēε pì mì à bè: Yā yāa. Ben à a mì pèε à a wèndi gbàre.

*Yesu z̄sna k̄s̄n s̄ario*

<sup>31</sup> Kámmaboguro sorukεgurɔɔ z̄ime. Yuda gbáadeenɔɔ yezi ḡenɔ ḡo lía ai kámmaboguroɔ z̄iro, zaake kámmaboguroɔ z̄i p̄i né gurɔ isime. Ben āo ḡaa wà wée kè Pilatia wà n̄ gbá é'ε wà n̄ pita.

<sup>32</sup> Ben sozanɔ ḡaa wà gb̄e káaku kè wà pà lía l̄edo k̄s̄n Yesuo gbá è'ε k̄s̄n à plaade p̄oo dɔ.

<sup>33</sup> Kè āo kà Yesu kiia, āo è à ḡiake à ḡa kò, ben āo e à gbá é'ero.

<sup>34</sup> Ben sozanɔ doke Yesu z̄ò k̄s̄n s̄ario a gbànt̄ea. Gwe ḡo aru k̄s̄n ío b̄e.

<sup>35</sup> Gb̄e kè yā p̄i è wéeo bé à ò. À s̄edakena yāpuraa v̄i, à d̄s̄ kè yāpuraan ée oo, l̄e apinɔ s̄o à e à Yesu n̄aanε ke.

<sup>36</sup> Yā beenɔ kè l̄e yā kè k̄ena Luda yān kèkii papame, wà bè: Weé à wá ke éro.

<sup>37</sup> À k̄ena Luda yān dɔ wà bè: Ās̄e gb̄e kè wà à z̄ò gwa.

*Yesu v̄ina*

*(Mat 27:57-61, Maa 15:42-47, Luk 23:50-56)*

<sup>38</sup> Beee gb̄era Yusufu Arimatea ḡaa à wée kè Pilatia, l̄e à a gba zé à Yesu gè pita. Yesu ibame asii guu, kè èe v̄ia keε Yuda gbáadeenɔne yānzi. Pilati w̄ene, ben à ḡaa à à gè sè à t̄ao.

<sup>39</sup> Nikodemu kè ḡaa Yesu kiia gwāav̄i ḡaa se k̄s̄n lí'ɔɔ yāk̄t̄ena k̄s̄n ēz̄ē kè è tó gè v̄arooo à kà kiloo baaakuri taka.

<sup>40</sup> Ben āo Yesu gè sè āo táaru bisanɔ f̄if̄ia k̄s̄n ēz̄ē p̄io, lán Yudanɔ è gè kpe da nà n̄ f̄εεakaarayā guu.

<sup>41</sup> Kara kú guu kè wà Yesu pà lía p̄in. Gb̄ewεε kè wà sò mira ũ dufu kú kara p̄i guu, wèe gb̄eke dan zikiro.

<sup>42</sup> Gwen aɔ Yesu dàen, kè à zǎńyoro, kè dɔ Yudanɔ kámmabogurɔɔ e kaa yǎnzi.

## 20

*Yesu fɛɛ à bɔna gaan*

*(Mat 28:1-8, Maa 16:1-8, Luk 24:1-12)*

<sup>1</sup> Azumanɛngo zĩ kɔngɔ idɛ-idɛ Mariama Magadalɛni bɔ̀ à gàa mira kiia, ben à lè gbè gona mira léa.

<sup>2</sup> Ben à bàa lè à gàa Simɔ Pita kiia kɔn ìba pǎnde kè Yesu yezi pìo à bèńne: Wà Dii bɔ̀ miran, wá dɔ guu kè wà à dǎnlo.

<sup>3</sup> Ben Pita kɔn ìba pǎnde pìo fɛɛ wà gàa mira kiia.

<sup>4</sup> Aɔ gɔɔn plaa ní píngi e bàa lɛɛ lɛdo, ben ìba pǎnde pì bà nna dɛ Pitala, à kà mira kiia káaku.

<sup>5</sup> Kè à wée kpàen, ben à táaru bisanɔ è kaena, mɔde èe gē à guuro.

<sup>6</sup> Kè Simɔ Pita kà à gbera, ben à gè miran. À táaru bisa pì è kaena

<sup>7</sup> kɔn bisa kè wà fífí à mǎao. Bisa pì pekɔrena kɔn pólɛ pìnɔoro, à kokona diena adome.

<sup>8</sup> Ben ìba kè kà mira kiia káaku pì gè se. À è, ben à sì.

<sup>9</sup> Ai tia aɔɔe yǎ kè kēna Luda yǎn dɔrɔ dɔro kè wà bè, eé fɛɛ bɔna gaan.

<sup>10</sup> Ben ìba gɔɔn plaaa pìnɔ èara wà tà bɛ.

*Yesu bɔ̀ à mɔna Mariama Magadalɛnizi*

*(Mat 28:9-10, Maa 16:9-11)*

<sup>11</sup> Mariama zena mirawɛɛ léa, èe ɔɔ dɔɔ. Lán èe ɔɔ dɔɔ nà lɛ, ben à wée kpàe mirawɛen.

12 Ben à malaika gɔɔn plaaanɔ è vɛɛna guu kè wà Yesu gè dàen yāa. À doo kú mizi kpa, à doo sɔ gbá kpa. Aɔɔ uta puraa dana.

13 Ben aɔ à là wà bè: Nɔgbɛ, bó bé à n le néé ɔɔ dɔɔ? À wèníla à bè: Wà ma Dii sè wà tàome, má dɔ guu kè wà à dàenlo.

14 Kè à ò le, ben à liɛ à Yesu è zena, mɔde èe dɔ kè Yesunlo.

15 Yesu à là à bè: Nɔgbɛ, bóyānzin néé ɔɔ dɔɔzi? Dén néé wɛtɛɛ? Mariama e daa karadeeme, ben à bène: Maree, tó íbe n à sè n bɔɔ, ñ ome guu kè n à dàen le mà gá mà à sé.

16 Yesu bène: Mariama! Ben à aɛ dɔa à bène kɔn Eberu yāo: Rabi! Tɔ pí bè Danneri.

17 Yesu bène: Nton ɔ kemaro, mée tá ma De kiia kòro. N gá ñ o ma gbɛnɔne mée taa ma De kɔn n Deo kiia, ma Luda kɔn n Ludao kiia.

18 Ben Mariama Magadaleni gaa à à baaru kpà à ibanɔne à bè: Ma Dii è. Ben à yā kè à òne tɔkèñne.

*Yesu bɔ à mɔna a ibanɔzi*

*(Mat 28:16-20, Maa 16:14-18, Luk 24:36-49)*

19 Azumanengo beee a uusia à ibanɔ kakɔana kpén, aɔ gbà tàtañle aɔ mɔne kà, ke aɔɔe vīa keɛ Yuda gbāadeenɔne yānzi. Ben Yesu mò à zè n té à bèñne: Àgɔ kú aafiao!

20 Kè à ò le, ben à a ɔɔnɔ òdɔañne kɔn a gbântɛo. Kè ìba pìnɔ Dii è, aɔ pɔɔ kè nna maamaa.

21 Yesu èara à bèñne: Àgɔ kuu aafiao! Lán ma De ma zī nà, len mée a zīi le.

22 Kè à ò le, ben à ïa vùmma kɔn léo à bè: À Luda Nini sí.

23 Gbẽ kẹ̀ a n̄ kẹ̀ k̄ɔn n̄ durunno, à kẹ̀m̄man gwe. Gbẽ kẹ̀ ée n̄ kẹ̀n̄ero s̄o, eé kẹ̀m̄maro.

### *Yesu k̄ɔn Tomasio*

24 Gur̄o kẹ̀ Yesu m̄o, Tomasi, à ìba ḡɔn kuri aw̄εεplaaan̄o doke kẹ̀ wè ben̄ε Sika kúnyoro.

25 Ben à ìba kpaaan̄o bèn̄ε: Wa Dii è. Ben à bèn̄ne: Tó méε kuusa gbè e à ɔn̄o guu ma ɔn̄tee p̄n̄lo, bens̄o méε ɔ z̄o à gb̄ant̄earo, mé síro.

26 À gur̄o làa à ìban̄o kú kpén̄ ɔ, Tomasi kúnyo sa. Ās gbà tàtañ̄le ās m̄n̄ε k̄à, ben Yesu m̄o à zè n̄ té à bè: Àḡo kuu aafiao!

27 Ben à bè Tomasine: N̄ n̄ ɔn̄tee pé ma ɔ guu kẹ̀ n̄ gwa, n̄ n̄ ɔ z̄o ma gb̄ant̄eã. N̄ton seka ke ɔro. N̄ ma náan̄ε ke.

28 Tomasi wèàla à bè: Ma Dii, ma Luda.

29 Yesu bèn̄ε: Kè n̄ ma e ȳanzin n̄ ma náan̄ε kèzi. Aubarikadeen̄on gbẽ kẹ̀ ās ma náan̄ε kẹ̀ ma ena sain̄o ũ.

30 Yesu dabuyã p̄anden̄o kẹ̀ pari a ìban̄o wée wáa kẹ̀ wèe k̄ε takada kẹ̀ guuro.

31 M̄ode wà yã kèn̄o kẹ̀, le à e à Yesu sí Luda Né Mesaya ũ à w̄endi e à náan̄εkena guu ȳanzime.

## 21

### *Yesu a z̄inda òɔɔa a ìban̄on̄ε sèbe léa*

1 Beee gbera Yesu èara à a z̄inda òɔɔa a ìban̄on̄ε ɔ Tiberia sèbe léa. Lán kẹ̀ bàn̄ à a z̄inda òɔɔān̄ε.

2 Sim̄o Pita kú l̄edo k̄ɔn Tomasi kẹ̀ wè ben̄ε Sikao k̄ɔn Natanaeli kẹ̀ b̄o Kana, Galili bùsuo k̄ɔn Zebedi n̄én̄o k̄ɔn Yesu ìba ḡɔn plaa p̄anden̄o.



3 Simo Pita bèñne: Mée gaa kpò we. Ben aõ bène: Wapino se wé gányo. Ben aõ gàa wà gè góro'ite guu, mɔde aõɔe pòke kũ gwāavī beeeero.

4 Kè guu e mɔɔ do, Yesu zena baa, mɔde a ìbanɔɔ e dõ kè àmbeeero.

5 Ben à lé zùñzi à bè: Gbēnɔ, ée pòke e á kũroo? Aõ bè: Auo!

6 Ben à bèñne: À kãmbεε táaru zu góro ɔplazi é pò kũ. Kè aõ zù, aõ kpò kũ paripari aõ fùa wà sé.

7 Ben ìba kè Yesu yezi pì bè Simo Pitane: Diime. Pita uta danaro. Kè à mà wà bè Diime, ben à a uta sè à dà à kùsi ía.

8 Ìba kpaaanɔɔ e kãmbεε táaru gáεε pana kɔn kpòo aõɔe suuo kɔn góroo, zaake aõ zà kɔn baaoro, à de mita basɔɔoro takalaro.

9 Kè aõ bikù baa, aõ buredi è kaena gwe kɔn kpòo kpákpatεana.

10 Yesu bèñne: À mó kɔn kpò kè á kù tiaao kenɔ.

11 Ben Simo Pita gè góro guu à kãmbεε táaru gáε à bikùo baa. À pana kɔn kpò gbèntēnɔ mèn baswεεplaa akuri awεε'aagõ. Baa kè à pari le, táaru pì e kēro.

12 Yesu bèñne: À mó à pò ble. À ìba kee e fõ à lé bò à à là dén à ũro, zaake aõ dõ kè Diime.

13 Yesu gàa à buredi sè à kpámma. Len à kè le kɔn kpòo do.

14 Yesu a zĩnda ɔɔana a ìbanɔne gèn aagõdeen gwe à fεena bɔna gaan gbεra.

### *Yesu kɔn Pita*

15 Kè aõ pò blè wà yãa, Yesu Simo Pita là à bè: Yohana né Simo, ní yemazi de gbē kènɔla? À wèàla

à bè: Eè Dii, n̄ d̄ k̄ má yenzi. Yesu bène: Ñ póblee kpá ma s̄ane b̄r̄ōna.

<sup>16</sup> À ḡen plaade Yesu èara à à là d̄ à bè: Yohana né Sim̄, n̄ yemazió? À wèàla à bè: Eè Dii, n̄ d̄ k̄ má yenzi. Yesu bène: Ñ ma s̄ano d̄ame.

<sup>17</sup> À à là à ḡen aaḡode à bè: Yohana né Sim̄, n̄ yemazió? Kè Yesu Pita là à ḡen aaḡode tó à yeazi, à p̄ō yàka, ben à bène: Dii, n̄ yā píngi d̄. Ñ d̄ k̄ má yenzi. Yesu bène: Ñ póblee kpá ma s̄ano.

<sup>18</sup> Yāpuraan méε oonne, kè n̄ de ḡokpare ũ, neè p̄ō da n̄ z̄inda n̄ gá guu kè n̄ yezin, m̄ode tó n̄ zi k̄, né n̄ ōō poro, gb̄e p̄ande é danne à gányo guu kè n̄ yeziroon.

<sup>19</sup> Kè Yesu ò le, Pita gaa kè eé Luda tó b̄ōn à téa. Beee gb̄era Yesu bène: Ñ témazi.

### *Yesu k̄n̄ iba kè Yesu yezi*

<sup>20</sup> Pita liè à iba kè Yesu yezi p̄i è téñzi. Gb̄e p̄i bé à nà Diizi gur̄ō kè āōe p̄ō blee, à à là gb̄e kè eé à kpám̄mazi.

<sup>21</sup> Kè Pita à è, à bè Yesune: Dii, gb̄e kè s̄ō né?

<sup>22</sup> Yesu bène: Tó má yezi àḡō kú w̄endio ai màḡō gá su, à yā n̄ e máme? Nḡō témazi dé.

<sup>23</sup> Ben yā p̄i dàgula Yesudeenō té kè iba p̄i é garo. M̄ode Yesu e on̄e kè eé gí gazinlo. À bè, tó á yezi àḡō kuu ai àḡō gá su, à yā à e máme?

<sup>24</sup> Iba p̄i bé à yā k̄enō s̄èda kè. Àmbe à takada kè kè, ben wá d̄ k̄ à s̄èdakēna náane v̄i.

### *M̄idena*

<sup>25</sup> Yesu yã pãndenɔ kɛ paripari dɔ. Tó wà kɛ takada guu doodo píngi, mée daa anduna a zĩndanɛ é fɔ à takada kɛ wà kɛ pìnɔ síro.

**Luda yá takada kǝn Bokobaru yǎo**  
**The New Testament and portions of the Old Testament**  
**in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

---

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5